



# Na Kpep U Sohpetbneng


DA

E. WESTON DKHAR B.A., B.T.

*Kumne nga rwai ko khun ka Ri,  
Ko Ri Umsnam u Ni u Kpa,  
Ki Khlur jongpha kin iai phyrnai,  
Wat la ngan ngam sha ri bajngai.*

*Ia ka Hok longtraï la Tyngkai*

Published by Miss Blindalores Dkhar, Nongwar  
and Printed at Khasi Jaintia Press,  
Mawkhar, Shillong-1.





State Central Library  
Meghalaya, Shillong.

REFERENCE  
Not to be Lent out

# Na Kpep U Sohpetbneng

DA

E. WESTON DKHAR B.A., B.T.

*Di kaba nga sngewburon ia I mei,  
I Lorei Dkhar Nongva, Iba ki  
jingduwai bad ki jinghynpham  
ba jru jru jong I ki long ka  
bar haka jingini jongnga ban  
jam lyngba ki sngi ba  
dum-lyoh.*

"As long as there's a sun to rise,  
And Shillong Peak will stand—  
The lilting notes of poetry,  
Will flow across our land."

---

1979

Library books will give you joy for long.  
If you have a library, you have a friend.



## SHI KYNTIEN

Ban plie kitab ia ki syrtap jong ki lngald ki lwait  
ki por del ban da ngam sha ki khulfi ba kynjah bad  
ki lhong ba jylliew jong ki pateng pakit ba la btep  
kyrthai ha ki syrtap jong ki por. Ki Koni, ki khanatang,  
ki Parom, ki Khana pateng, ki Skit, ki Puriskam bad  
ki Purinam ki don la ka bor ban kynoi iapnglah ia  
kano kano ka jaltbynriew ha ki palong ba lyngngai jong  
ki ramia jingphohsniew bad teng teng hangne la byn-  
shet lyngngelt; namar bym lap dientrai shun ia ka duh  
ka dang: ha kane ka maia bad hangne la jyrthiaw-  
tluh jyrthiaw-ting paltkynrud ban khud ban tai pyn,  
shong nongrim ia ka nongrim jong ka jaltbynriew.  
Ki sngi jong ki Khanatang bad ki Puriskam wat la  
ki dang pynbyrngia inger, irat pat ki la sdang ban tuld  
noh bad sopilanglong ha ka sop ki sngi ba la leit noh  
bad ia ki khmat jong ki 'Rangkynih 'Rangphawar la  
plait syrdeng ban lohi shynna bad tarajur blang pa  
biang salani jai halor ki nongrim jingshisha ba la wad,  
la thwet, la tai la pynshong bad la bate thik pa thik  
halor ki symboh kslar symboh rupa paila kiba dang  
lah ban lum ban lang na ki Pad Sawiyer kiba ka  
jableng baproh basnah jong u briew ka dang lah ban  
lum thup. Ka por ka la ih ba ngi dei ban tih dew-trai  
ban bynshet ia ka histori jong ka jaltbynriew ka ba hor-  
kit yn nym iliew dew-thala da ki leh-batip jong ka  
pateng ba mynta ne takor-poh-jaitapmoh 'da ka pa-  
teng ba dang wan ne iuhroit dew-thala da u wan-ur  
won-hap, u wan-wir wan-pur.

Kawel pa kawel ka jaltbynriew ka don ia ka histori;  
la la sharistar da u khulom bad ha kot sada, da ki syrdoh  
tluh syrdoh stail ne sai ryndia, da ki eh ki dail-oh ha  
u diengduh, ha ki mawlong mawteh, ki krom hi krom ki  
mawsiang, ki kpop ki mawbynna, ki mot ki, kor, ki du-  
wan ki kharai, ki kor bad ki basa shongthait, ka leh  
niam leh rukom ne ka pyrkhat ka pyrdail ban pynglah  
shai kdar ia ki longdien ban nym kwit nym kme kadlang  
kamon bad ding mynsiem jian ia ka mutdue ka tharat

(ii)

ka ba lai kynriang sawar katba ki por ki pateng ki nangjan ki nangiaid. Ngi la jngi ha ki thwei dum ka lyngngoh lyngngaln bad ka pyrkhat pyrdaiñ ka shi ka thynrei: ka khat ka kheln ka kut ha ka bynñiew ka ngeit linsah ngeit-kynrut khlem lap dientral ia ka jing-shisha bad bud sa ka syler ka phleng namar la tur ruh jngan, la randien ruh kjap bad kum u tdm hapoh u bun ka pynpisa lkui shi lkui ia ki Lalphew-na-ar jingmut namar ki la kye kohnguh halor ka nongrim ba la 'mynjur lypa' kaba ki hi kim sngewthuh ne peiba ia ka: ki da len mynleh tynneng padsharyntoh bad pynskhem kynjoh kha-skain wat la bunsien bunslen ka jingiatiplem babha ka jnang ka jngan

Ka jaitbynrlew ka ba im ma-mlot ha ki thma bad ki jingialeh, ka im sngi ban pynkhlaifi ban iada ia lade: ka da sumar husiar kyndong ioh ka shah nguid shah klun bad jah rngai na sla pyrthel ha ki nongshun ki ba ap baker sawdong ia ka. Kum kata ka jaitbynrlew ka eh ban bujai ban tyngkai bad tehsong, set-dabla ia la ka histori: namar teng teng ka jop bad teng teng ka shah jop. Ha kum kine ki khep ka hap ban iaid wir iaid kma lyngba ki raieh raldam, ki khlaw ki btap, ki riat ki ram bad ki khrlang wah bah ba lat lat; lyngba ka um ka ding, u slap u phria ka lyer, ka pang ka ñiun bad ka marlang hi ka ieng nongshun ha khmat jong ki. Kumta kim don por ban pyrkhat shaphang bun kiei kiei ki ba ka dohnud u riew mynta ka wad ka angnud; lait noh tang ia ki katto katne ki phang ki bym da lah klar eh: ki ba la shu pashat pateng da ka shyntur na u kpa sha u khun, na u khun sha u khun bad bunslen bunslen ki ba kum kine ki jingtip ki duh noh ia ka rong jing-long trai jing-long tynral ba nylla lyngba ki por bad ki sah sa tang ka syrngiew bad halor u Mawsiang jong kata ka syrngiew ia bynshet lut ia ka jingkhia jong ka jingngeit kaba sam shaduh ki 'leiñshleng jong ka jaitbynrlew hi. La katta ruh ka don ka dor jong ka namar nangne danglah ban buddien trai 'meithied-syntan shaduh ka thymmei ka thlong hi. U Khasi u long u wei na kita ki jaitbynrlew ka pyrthel u ba la mad

ia ka jingshaiong jong ka jingshah jop bad ka jing-  
kmen jong ka jingjop. Dei kine ki daw kiba la pyn-  
lynga pdang-shkor ia ngi haba ngi suh-khlleh ban wad  
iaka thymmei ka tlong ka jaltbynriew; ba la pynshong  
nongrim iaka nlam ka rukom, ka longbriew manbriew  
ha pneh U Sohpetbaeng: ba nangne ka ieng ka Jing-  
kleng Ksiar ba u Khadhynriew Trep Khadhynriew Skum  
u ia-kiew u ia-hiar ban rep ban rlang halor kine ki  
Lum Ksiar Luni Palla; bad namar ba la dkut ka Jing-  
kieng Ksiar U Khyndai u sah sha jrong bad U Hyn-  
riew u sah halor kine ki lum; bad namar ba kila kdiah  
kila pynkheñ iaka juban lak, U Blei Trai Kynrad u iaid-  
lait U Iaid-kiar noh na ki.

Ka don ka por ha kaba ka jaltbynriew kam hun  
kam suk ban shu iohthiah lynger bad shah kynoi lyng-  
ngiar tang ha ki ramia shngiamrai sharyntoh lymne  
bynshet ia la ka histori ha ki hamsala. ki Koni ki parom  
bad Khanatang ki Puriskam ne ha ki lhop thlong tyn-  
rai jingngelt ki bym don ka Dewtrai kiba la shu sdien  
ha ka asa shitengsulñ. La donkam ban pied tit thnet-  
syiar bad thiew 'bat-bare bin pa-bin da kaba bishar  
puramit ia ki dak ki shin kumba u nongkhat nongkha  
u it ia u rwieng la la don ka klap ka tar, ka synjap ka  
synjor; la la ieng rangbah U blei dem u briew ne ieng  
rangbah u briew dem U blei; la ka dei ka daw iing  
ne ka daw lum, la la shoh la ther da u lyngkhuu u  
pakhuu ne balei ka jemngiew jem-rwang ba ka shoh  
ka ther ka wan tap wan lymbub ne balei ka dum iong-  
ngit iongngaiñ ka kyrthep ka kyrhuh? Don kam ban  
bishar dem durlap ia ki thnet ki tnaw bad tai salani  
shongkun shongshnah da ki nia ki jutang babiång sawar  
bala bynshet nongrim halor ka dew-ksang dew-trai  
ki jingshisa kiba ngi lum ngi lang na ki thiar ki sker  
sawdong ka ri.

Ka long kaba dei ban bynshet ia ka jingngelt halor  
ka jutang u barim, hynrei ban kyrthai pat halor ka nong-  
rim khlem sawar ka long kaba synjor kaba sumor.  
Ban bynshet ia u mawnongrim jongka jaltbynriew halor

ka sawar mutdur siatpharshi ba bun jingmut ruh ka long kaba mynsaw ; bad ban shem lut pat ia ka jing-shisha kumba ka long ruh ka long kaba jwat. Ban tih nia khlem sawar ka dei ka laplah bad ban pynksan ia ka ramia pat, ka bret sha ka jingbakla.

U Nongthoh u la swit la swar, la split la spiar ia ki symboh kral symboh hadem jingtip basah syllai ha lum ha wah ba la tap la sop da u flut u fier ka jingdum synia jong ka jingklet lyngba ki rta bah; u da syrpal u da jyllud umphniang ksiar umphniang palla ba kin sei la ka khmat ka khmut ban pynshai kdar ia ka jingmut ba dum synia jong u briew u ba im ha ki syrdoh ka dumbult namar bym lah prong peiba ia ki syrdoh jingngelt ba jylliew ba la kylla doh kylla snam ha ka jaitbynriew. Ki tel ki symba ki sei la ki shylluit ki shynnai ha ka jympulñ ki khraw pyrkhat, bad ki thied Sohramjan ki suh ki sam ki par sha ki syrtap ba jylliew kiba ka khmat u briew kam peiba. Dei hangne ba u riw pyrkhat u kad ia ki syrdeng jong ki khmat ka jingngeit kiba barabor ki shald iohi rngai iawbei ia ki maia bymjukut bad ki tusblr jong ka kiba ym lah ban toa lait tang da ki kil ka jingngeit: bad dei kane ka jingngeit kaba la pynluiñ pynshroiñ riw ia u briew ban kam ryngkang sha shilang u pud jong ka. Dei hangne pleng ba ngi ia jyrthlaw tluh jyrthlaw tling sai tlehpatur siat maw-shi-shop bad pyryia pyrkhun sarsiej ban siat namplieng nam-tympem khlem tip ia ka thymmei bad ki tel ki sdien rjalñ haka sohpdung U Sohpetbneng, u klong ka jutang khuid bad ka mynsalem jong ka salñ ka pyrkhat u Khasi. Ki Moññ ki Manik ki ap sha shilang ka ryngngi U Sohpetbneng bad ki lyoh phyrnai jong ka prem mlet Pyrem ki khawoit ban phriang jarud sha ki kynjang ba maian jong ka thymmei ba la btep ha ki lngaid ki lwait ki por.

Ka histori kam ju rap. Ym don jingjia ha snieh pyrthel ka ban iaid lait na ka, lada kata ka jingjia ka don khubor ban pathai. U Diengiei, U Sohpetbneng bad U Kyllang ki deng long bad kin iai long ka briew khmat jong ka pyrkhat pyrdaiñ, ka niam ka rukom: ki dustur ki riti bad na ki lynter kin iai jaw ki ummat ksier ummat



rupa kum ka dak ka shin ba ngi ki longdien ngin khañ  
 ngin puson bad ngam sha ki lhong jingstad bad bishar  
 tarajur salani ban bteng ia u saldud ba la dkut jong ka  
 Maryngot ka pyrkhat ka pyrdaiñ, bad king sha ki kynjang  
 ba maian sha kaba ka pyrthel kam joh daw ban kdew kñ  
 ne ñiewbeñ iaka rynneng rynniet jong ka pyrkhat pyrdaiñ u  
 Khun Khasi Khara : pynban ban pynpaw pyrthel ia ka  
 jingproh ki khraw pyrkhat jong ki manshuwa longshuwa  
 ba kumno ki thir ki thail pyn-wan-dur lyngkyon longeyun  
 ia la ka kur ka jait bad kumno ki seng riti ki seng hima  
 halor ka Nia-ba-im ba ki longdien kin nym kwit nym kma  
 bad katba dang ieng u Lum Shillong bad ba dang sieng  
 ka Iyer, ka ri bad ka jaitbynriew kan phuh kan phleng  
 bad kan jai khyllie kitab ban wad shi iai wad hangno ka  
 shong ka Thymmei ri.

Dei ka jingtip ba la pynkut nia slait kaba pynwan  
 ia ka jingngeit bad dei ka jingngeit pat kaba sumar  
 kyndong iaka jingtip; tad haduh ba la lap ba ka don ka  
 at ka kdor bad kane ka pynbor ia u ban wad ia ka  
 jingshisha. La ka jingshisha ka jylliew katno katno ruh,  
 ka dohnud kaba thrang ka wad ban diñ a ka : ka ngam  
 sha ki syrtap pa ki syrtap jong ki pateng bad ka piam  
 khop ia ka. Ban ktah mationg ia ka jingngeit ka pynjut  
 ia ka longbriew baroh kawei ; hynrei ym don pud pat ban  
 wad ia ka jingshisha.

U Nongthoh u dei u dieng khyrwait Iyer katba nang  
 patdoh u nangjwat bad ki thied jong u ki nangksam  
 jylliew jylliew pyrshah ia u mawjew dewksang ban kñf  
 ia ka jor tynrai na ka mei ramew. Bunsien bunsien  
 namar ba ki thied jong u ki jylliew eh ka pynbitar shia  
 ia ki puhshlum namar kim lah ban jynrat jubor ia ki  
 thied ngam jong u. U shah kynthah teitthap shah  
 kawang dewthuli bad bunsien u hap siaw-mawrang  
 ha ki kti ba khañ jong ki lyngkot pyrkhat bam niangrait-  
 hoh bad ki tip lut, pynban um kyrtiang ban wad ban  
 ngam shaduh ki khañ ba maian tam ka jingshisha :  
 namar ka jingshisha ka ap tang ia ki satar bad ki lon-  
 lade bah shakri ia ka jaitbynriew. Hangno ki thymmei.

kti jong ki rakot khwan bor bad ki tip-lut nanglut ki shra kum ki sla temsynlar ha ka Pyrem jong ka jaitbynrlaw.

Ka histori ka dei ka jingshisha. Phi lah ban kynjat ia ka jingthaw tarajur jong ka da ka jingblar hynrei phim lah pap ban.pynkylla ia ka jingkhia jong ka. Katba ka dohnud jong u briew ka dang thrang ban ngam sha ki hara par mawkordor jingstad ym don diengpyangkhang khanglad ba lah pyndukha ne tuh kyntang ia ka mynsiem ba angnud jong ka. Ka thwei jong ka jingtip ka long kaba iar bad jylliew eh bad ym don bleit ban kam trai ne koppia ban ngam tang shisien sukhlieh shakut ki pyian ki kynian jong ka. Ka krem Marai ka jylliew, hynrei dang don kiba kham jylliew shuh. U Lum Shyllong u long uba jrong tam: pynban un twa bur lada ka nongrim jong u ka sumor ka sator bad ka nia kam bam ba u dei ban bein ban rngop ia kiwei ki Lum rit namar dang don ki lum kiba kham jrong, kham iar bad knam itynnad ban ia u. Ka khlaw Mobahbakong kan pluh lada ka pyrkhut ba tang ma ka ka long ka khlaw kaba iar eh. Tang ka mynsiem ba angewrit kaba jop pyrthet bad tang ma ka kaba lah ban plie lut ia ki khuiñ b'la buhrieñ naduh dang lied ka bneng bad dang kynthong ka pyrthet. U Tip-lut bad u langniangeitkxew kin lympat sohphan pyut la ka longrynieng shiteng por bad ka pyrthet kan sa iohi tyngkrein ia ki matti wahkarku matti khar-um lyngkrang ba ki kha la ki pylleng thadrong ha ka pyrthet khlem langiap ban sop ban da ia ki lait tang ki tnad thynram jepra ban rkhe bein ka pyrthet. U Pohkrong la u bleit jingriam shangkawiah katno katno ruh u dang don la ka krem ka skum mynraiñ hapoh ka diengiap diengpyut bad u da pynshata la ka shyntur ban thaw ia ka: hynrei u Thwar-ar-dong la u shalak slanti bad u puh ngap sha lyngdong: u im myntoi tang da kaba u pynthom ia ki sim rit ia ka khlaw khnang ba kin mih ki puit ki khaiang bad ba un bam shngiam rai katba ia lade u shu kyrkaid narud narud: kaba phylla ka long ba um nang ban thaw ia la ka skum ruh bad u wad skum-ra kyllong kyllong hangno ban pynkha pyllong ia la ka men kme bad u da angew sarong ruh ban rwai

syiang khyrwait tdong ha l tel i skum-ra bad um shah iano iano ruh ban wan hajan jong ka. Ban put turoi ia la ka jingtip bad kawang ktieh ia kiwei namar b'u ieng ha ka kynroh ka ba kham jrong: katba ia lade pat u wad skum-ra kum u thwat-ar-tdong, u dei u jepra khlem raiñ bym don jingkut. Ban woh kjat pat khlem ka khan ka bishar kaba biang bad ia lade um lah ban leh ei ei, u dei u lunok ha iing ki syiem bad uba pynrem ia kiwei khlem da sawar, u ieng nongshun ia ka jaltbynriew u ba ka mynraiñ jong u shen kan sa pawpen-ryngkew.

Ngin wad ia ka jingshisha katba ka snam ka dang syaid. U ta u ba ieng pyrshah ia ka jingshisha un dung-tohsah ia ka Longrynieng bad lynter un thngan japha jingtip halor u mawsiang krem jula. Ban pyr-khat ba tang ka jingtip shi met ka kdup lut ia ka pyrthei, ka thad wangriang ia ka jingbleit bad ki pateng ba dang wan kin kynshi khlem tyngkal. Ka blshar kynriang leh batip ka byrsieh byrsang ia ka longbriew manbriew bad ka blah phongrai ia ka iingshisha; ka da pynkha roi ia ka jingisih bad kjlt tyrkhong ia ka jingbha baroh. Kum ki khun lung, baroh ngi lum thup mawria jingstad na ka durlaw ka jingtip bad da lei lei ruh ngin nym lah ban tam lut ia ki.

Ka thong kaba ha khmat jong ngi ka long ban shakri dap pura ia la ka jaltbynriew da kaba pynroi shaphrang ia la ka litereshor bad kyn-tiew ia ka ryenieng ryniot jong ka shaduh ka kyrdan jong kiwei pat ki jaltbynriew. Halor kane ka phang nga seng ia ki maw kynroh jong kane ka kot bad khot ia ki riwkynsai ka ri ban wiat ia ki khnam ka pyrkhath ka pyrdalñ sha ka tel ka thong ba kyntang.

Nongthoh.



## BAN NANG IATEI

Ia I Bah E. W. Dkhar, nga la ithuh la kham siem hynrei ngam ju pyrkhat ba la i dang i khynnah, ka ja-bleng bad ki jingmut jinpyrkhat jongi pat ki la rangbah bha. I long u samla uba wad bad uba trei shitom bad minat ia kano kano ka kam kaba i la thmu. Kane ka dei ka jinglong rangoah bashisha. Namar dei tang uba wad, uba shem; uba trei minat, uba kmen. U soh ka jingtrei minat u long barabcr ka jing-kmen.

Ki la don shisha ki radbah ha ka thoh ka tar ha ki phew snem kiba mynsnuwa hynrei kine ki long tang khyndiat. Wat la katta ruh, kine ki radbah ki la lah ban pynsan pynneh la ka tynrai ka thoh ka tar Khasi wat lada dang don shibun ba dang dei ban leh. Ka lyngkha ka dang sah bun ka shrah hynrei imat, ha ka por kaba blang, shuwa ba ngin klet noh wat ia ki ktien ba la ju don, la mih mynta, ha kine ki snem, ki samla bad rangbah kiba la pynlut ia la ka bor, ka por bad ka plsa ban lum ia ki ktien Khasi kiba la ju don bad ban wanrah ne pynrung ia ki ktien Khasi kiba thymmai ban pynrlawspah ia ka Khasi literature. I bah E. W. Dkhar i la pynpaw ha kine ki poetri ia ka mynsiem trei shitom ha kane ka lyngkha da kaba i la wanrah shibun na ki ktien kiba ngim ju kham iohsngew bad kiba la jan jah, da kaba i la wad shitom na sawdong ka ri Khasi.

Nga la pule ia ki poetri jong I Bah E. W. Dkhar 'Na kpep U Sohpetbneng.' Kumba ka tynrai jong u Hynrlaw Trep ka dei na Sohpetbneng, I Bah E. W. Dkhar ruh i la jer kyllum ia kine bun tylli ki poetry, kiba kren ia ka rukom-ka dustur bad ka imlang-ka sahlang u Khasi, 'Na kpep U Sohpetbneng.' Ha kine ki poetry, I Bah E. W. Dkhar i la pyrshang ban pynpaw pyrthel ia ka jingrlawspah ka ktien Khasi da kaba i la lum shibun ki ktien kiba la sdang jah bad kiba i dang pynrung thymmai, kum ka ktien spiar, jah. ki boit takraiñ, Asorphi, dungtohsah, tem synlar. I la pyn-

paw ia ka jingiar ka bor pyrkhath—pyrdaiñ bad ruh ia ka jingtip ba bñlah jong i ia ki khanatang bapher-bapher bad ban kyndoh ha ki ksai ka duitara jongi ban pynbang ia ki da ki sur poetri. I la jer ruh ia ki kyrteng bapher-bapher jong ki laiphew jaid ki jingthaw bad jing-pynlong U Kynrad ha kane ka ri Khasi baielt jongngi bad ban kdew ia ka Character ne jinglong jongki baroh. Ynda ki nongpule kin poi sha Ka Lympung Ri Lum' kin sa lap ia kane I Bah E. W. Dkhar i don ruh ka sap kaba i lah ban pynsgewbha ban pynbang bad pynbiria ia ki nongpule da ki jingthir bani jongi ia ki jingmut bapher bapher, kum —

Ka Lalyngngi ha Shynglar maw,  
 Ka 'tiewlarun hapoh sakaw,  
 Dohnud ka peh. ki kyrsut kjat.  
 Hapoh lympung kynshreng ban shad.  
 U simtyngwieng u thain ki kti,  
 Katba nang ud ka sharati  
 Um don jainhspong ne khor ban phong,  
 U die l'i mei, tang ioh ka rong.

Sngewtynnad ban iohi ba ki la nang mih shuh shuh ki nongthoh ki ban sei madan ia ki sap bapher-bapher ba ki don bad ban nym tep ia ki lang bad ki, ynda kim don shuh, khnang ba ka jaidbynriew kan nang klew, katba U Trai Kynrad u dang ielt ia ka jaidbynriew jongngi bad katba ka jaltbynriew ka dang nang ban shanlah, ban wad jinglarap bad pan jingshai na U; kumba ong u nongthoh ha ka 'Erbatemon'

Kumne sha kpep ki por ngin rwai,  
 Mame Kynrad to ai jingshai.

Nga ai khublei ia I Bah E. W. Dkhar bad nga kymen ba in nang pynbit ialade ban mait ia ki shrah ha kane ka lyngkha jong ka Khasi literature.

"DOHSGITHIANG"  
 Nongthymmal,  
 Shillong.

}

Webster Davies Jyrwa.

## “KI SYMBOH UMJER NA KI SYRTAP KI SKER”

Hato na ki Thiar-pharshi u Khasl ngi lah ban shem ia ki atiar ban tei ia ka mynnor, ka mynta bad ka lashai ? Ki matti lyngksiar ka jaitbynriew ki dei ban long kiba don la ka matti ba shynna. Kam dei ruh ban shongkynrong, hynrei, ka dei ban Lyngshyun kum U “Nai-Khats-w-Synia.”

Lyngba ki por, ki samoi ki laid sha ki syrtap jingpyrkhat bym lah ban peiba. Pynban shi khyllipmat, la kit ia ngi sha ki lymphieng kiba kham kynjang, kiba u Bah Weston Dkhar U ia sei na ki pneh ka Mariang. Ki Hara ki khlur, ki al la ki jngshai kiba phylla ia ka pyrthei kaba ngi im, kumba u Maw Jespar u pynpaw ia la ka dor.

U Bah Weston Dkhar u ialam ia ngi ban kiew sha ki Syngit Lum bad ban la sukhlieh sha ki thwei ban wad ia ki Symboh jingstad kumba wad ia ki Mawhira. Lyngba ki at ki them, ki khohruh ki khohram u btin ban khang ia ki krem ki kroh kiba peiba shaduh ki kynian kiba pahar bha. Na ka iarong Saimuka U sei ia la ki syrwet ba nylla ban seng ia ka nia ka jutang na ka mynnor sha ka mynta, ryngkat bad ki sur ba ih ka Duitara ban pynpasiang ia ki jingpyrkhat jongngi. Khyndai u symbai khyndai u rnal kiba u btep hato kin shu speh khlem syntlew khlem soh ? Em ! Baroh ki sei la ki soh ha ki Aiom Aiom, ba U khun bynriew un kmen un palei. U ksuid u khei, sha ki khyndai pateng niamra u her krad, kumba ka khmat U Baluh U Baiai ka tap lut ia ka pynkiang kaba u shong u sah. Da kumta keli ba ka jinglm ka Synlar ka khle lapeh. Katba ka por ka dang thung la ki thapniang ban jngl sha ki artet bad ki arsut jong ka Mariang, U pynieng ia ka juban bad pun la ka Jingkleng Ksar hapdeng ka soksuar.

U Kalñilong u don la ka bhah ban biah phongrai ia ka malñ ba l-khiathew jong u briew. Ka sni ba kum U Dkhi, ka kynthah pynbtiar bad kjap ia ka dur ba shongblei u briew, kat ha duh ba kan da thoh dak jngem hi sui. Lyngba ki syrtap bym lah ñiew tang ia u briew, u shet

khongpong, kat haduh ba ka khn.at U Blei ka lip na khmat jongu. Ka sni jong ka daini, dei ka sni u Teiñ-thap bad u synrem.

Katba nangiaid ki sni, ki ersynlar bathiang ki la nang shah kijit shah kjap rynieng, haduh ba ka Ri bathiang ka Sangia ngaiñ. Ka mariang ba kynjal ka shah klun bad ki khun U Blei ki jngut ka khmat, hadlen ba ka jingsuk ka la shah jliah la ka rnglew ka rwiang ha u Saw Shyrtong. Nangne artet ka noh-jot ka noh-rem ka wan shong khet bad kyrteh ia ka Kun Blei da ka Sañiangmat, haduh ba ka jingiwbiñ kan da iw pyrshit hek. Ka pynshoi ka pynshad ka phon ka shukor, ka krei ka krih shisnieh pyrthei, ban patom la u briew shapoh niamra. U Seiñthli, slanti snlew. u kiew tyngkong, ban khum ban teh ia ka hok long kynrad, haduh ba un da pynshad samtawi ia ka janor u briew. ban kynther ia ka lmhok lmsot bad kdup bad plam pynban ia ka shukor lade ha kut shadem jong u haduh ba ka kokkhai kan da pynsiaw-mawiang ia u. Ka jingim, kaba khlem pynshong syrwang, bunsien ka kie kum u'langiap ha sla um. Katba u briew u dang laksaid ban lalt na ki shlah khwai, U mangkara pat u wanpaw ha Sahit bneng ban pun pat ia ka kharai ka jingpyn-lakhlad, khnang ban thaw ka lad ka tynti ba un bteng ia u Sai Ksai 'sai rupa na ka Mynta shaduh ka ladai lathai, lym kumta, ki Larmuti matti lyngksai kin lip kin ngen khlem lap thymmei shuh. Katba ki khmat u Lur Mangkara ki dang jngoh ielt, u briew u hap ban thir ban thaiñ la ki ñia ki jutang shongkun shongblei, ha ban da shem la ka dang bad ka duh da kaba leh rynhang ia la ka Dwar, ba un rung, un mih katba u Sngew klai.

Ki Sur myllung marynthing ki kie bad ki king ha ka Synia ba tmang, ban pyntympang ia ka dohnud bajikor kaba sdien ha ki ksai ka thapbangem. Nangne ka kynthing thoiñ sha ka Matlong ki syrwet, ban seng ban kheng ia ka tyrai haduh ban da kot kynjoh sha ki ing paki dulan ki khyndai kur, ban pur ruh ia ki khana ki khadiah khlem tyngkal. Ki Tiew lwbiñ ba pynsuhsien ia ka



marlang, ki phriang bad pynbthei ummat sah jingkyinmaw ia ka dohnud ba pdang, haduh ba ki kti ba jem ka Symparat kin da wan ban syrpal ia u. Ka iald tare ruma ka long ka daw ka jinglyngngoh. U Kyndang kwah ba meng u long ka ktem ba phnieng da ki Shang khawlah ban pynkie berong ha ki shrip ka khyndal-lad. Kumta ruh ki Riti bad ki Dustur u Hynñiew trep ki Ingen tang sha ki ronglapan khlem norigrim. Hato ka jingshukor kan patrong na u ñiuhkhlieh, ynda ka tam pynlah ka khum Syrwiad? Da u jyrmi aiu yn pashat ban pyllait pat ia u briew uba iald khapbrip khlem ka mynwei bad ka lawei? Ka Jahare ka lah ban tap lada ngi lapmiet lap-shai tang da ki riam iapan, loh ngi puh tang kum u 'Tiew Shillong puh miet, ha bym don shuh ba lohi. Ki Lum ki long ka burom bad ka jingitynnat ka Marlang. Ka nam kaba kin kit, jingmut u briew kan nym pynwit. U Lum Sohpetbneng u long Ka sakhi uba ia pynkha ruh ia u Ksiang Khraw jutang. Hato ka phreit ka dei ka shap Soskular ne ka shap jong ka hok? Haba ka pyrthei u Hynñiewtrep ka la shah tyllap da ka jingdum jong ka pap ka sang, kaba la pynbyrsieh haduh ba ka khmat U Blei Trai Kynrad ka la buhrieh lalade hapoh ka Ryndia Tlem. Dei tat haduh ba ka snam u ksiang Khraw Jutang kan da jreñ ha ka duwan, ba u sa jem pat ka mon bin bad ban dang wan i ia u khun bynriew.

U Khun u Hynñiew Trep, u don ia ka shad ka kmen, ka put ka tem, ym tang ha ki Sawdong ki Saw Kun ka Lyngwiar Dpei hynrei ha ki Lympung shad ruh kumjuh. Ha la ki sap, ha la ki riam ba i shong-khia, ki Shad ki king. Katba sawdong ka lympung pat ha la ki har ki har ki la phylliew jingieit, ban pynshlei la kata ka ngi da ka jingkmén. Ka jaitbynriew ka don la ka pylla, ban dok ban thew ia ki har ha la ki dur, ha la ki sur da kaba sawar bha ba kan nym bakia. U Dieng tylli ha ka 'llew pyllun, u diengsawdong ha ka 'llew sawdong—kumba ia mang. Hato ka jingieit ka ju shet thai ha ka Umksang? Ne ka sop speñ ia ka jot ka pei bad tah ia ka det ka mong bad set bha ba loh ka lalt synaw ban phyrnop lalade ha

ki ñiur ñiur ba lysleh. Uba lalehkal bad ka jingleit, u long uba duna ka jingshemphang. Uba lai jngl da ki thapniang jong ka Phiang phiang brai, um pep ban bret lalade sha 'liew kharai ban mad ia u dieng sym-pat ha ban da syllang hi ngang. Ka leh lamwir kan takor jraiñ, kan thep kaleñ rieiñ sha pung ki ksañ. Don bun bah kiba shah lynshop sha ki ahor hadien ba ki la noh khongpong sha ka rong phong. Hato kim shym la loh ruh ia la u kyndang? Wat ki ummat u kslang Khraw jutang kim lah shuh ban pun la ka lynti. Hangno ngi pynshong nongrim la ka juban lak? Hato ngi lah ban kheñ dewtha a shikhyiip mat? Haba ka myntoi shimet ka sdien ka snoh, ka phlan duman wat, la ka hok ka sot shapoh along ka set. U Koh Karang u long ka muhor jong ka kylla Juban bad ka kylla Jutang. Kaba don ruh ka maham kaba shynna bha. U bym sngawthuh ia kane ka lynti, u long uba sumor ka pyrkhat ka byrdañ.

Ynda u Kslang Khraw Jutang, ha ka dur u Malym-boit u Malymbiang, uba long pat ka juban hok u paw pyrthei, u sei la ka nia hok khlem pynnoh ia ka taraiur sha ka myntoi shimet, u da pynieng la ka nia ka jutang, kumba u la ai la ka Soskular ha khmat ka Dorbar, kumjuh ruh ha lyndet jong ka. U da kheñ ñiut ia ka phlan duman bym don nongrim, shwa ba kan kynshoit ia u sha ka raiñ ka rem. U briew uba shisha bad uba hok, la u long uba duk, u don la ka dor. Ka thok ka shukor ka ksam la ka dohnud briew, bad ka pynngat la u briew ha ki snur ka Thapbawa. Nangta haba ukwah ban lapeiñ pat bad ka hok, u duh pynban ia la ka maiñ.

Nangno ka Thok ka Shukor ka sdang ban krei, hato ka sdang naduh ba la tap lup ia ka tyngab da u khiew ranel mynwel? La ka long kaba kumno kumno ruh, u thning jong ka u long uba jll. Ka raiñ ruh tdop ka bud khongdong, ben lynshop la ka pyrthei, shaduh ki Ummat Umpung kiba shyrkhei. Nangta arted um shong thait shuh khlem wad khlem thew. Kael lehse ka daw tyrai? Wat la, la lyngkle ka spah ka hajar, u dem lai wad bin pa bin ban bteng pat ia u kai, da kaba phikir ban lap la

u thning ka jingshisha. Namar ka jingkaia batlem ka dei lyngba ka dohnud kaba sngewrem. Dei hapoh la u Trep u skum, ba u wad ruma hapoh badum. Namar ba ka pap ka la bam byrnei ia ka kun u briew. Haba ngi tai pat ha'or kane ka phang ngi dei ban da syngkhong naduh na la rympei, ngi dei ruh ban da tang leit ia la ka Ri, kaba dang mad haduh mynta ia ki Airom Ksiar, ha ka dur bad ka Sur jong kane ka pateng kata ka long ka bym lah buhrieli. Ka bishar hok rasong ka ieng da ka ba pynkut pynwai ha ka rai blei. Ban suk ban saifi ka Himaka Sma bad ban Im ka rangli ka juki, da kaba kyndat ruh sharud ia ka jingsngew iapher na ka riam ka bert ha ka ktien ka thylliej bad ha kiw i ki ar kiba thap bam tynroh ia ka jaitbynriew. Klatduh khatwai, nga kynduh pang dohnud haba nga iohi ia la ka Ri na ki tyndah ka riat. Nga wer nga khot ia ki Shot shan ba khilaih ka Ri ba kin aiti mardor na ka bynta la ka Ri bad ka jaitbynriew. Nga diaw ruh ka mynsiem ba ki Ri ew kylla jutang, da ki ktien pntan duman, ki shet thar la la ka Ri ha ka Umksang ngang ly-ngang. La katta ruh ka snam leit Ri kaba kynshait khlein sanggeh, ka lai im khrek shi khrek bad ngan lai kyrsiew ia ki khun samla ka Ri Kynthei bad shynrang, ban aiti kynthang ha ka duwan ka jingreit Ri, kan pynher krad la u Shongthap Shongbiang shaba sep ka sngi sha ba ngen u bnai. Nga da kyrmen skiem ba sa shisien pat ka Ri U Longsnuwa manshuwa kan long ka Ri ba lai sah phyrnai. Kane ka dei ka por kyndit thiah lada ka Ri bad ka jaitbynriew ka dei ban Im. Namar nangne lada ngi dang iohthiah lng'er, ngi hap ban iapelh da ka dor kaba kham rem.

Ki thiar jong une u Rangbah, ki long kiba lai shlei miar. Nga dang khmih lynti ba ngan dang iohi shuh shuh sa kiwei de ki Nam bynrap na ka Ryngkap une u rangbah uba la bynrap lang ia ka hynnin ka mynta bad ka lashai.

Dt. Mawlai Iewrynghep,  
Shillong - 793008  
25th Tarik, U Jy!liaw, 1979.

**B. CHEDRACK JYRWA**  
Khasi Dept. Shillong College,  
SHILLONG.



## Ki Khung

### NA KPEP U SOHPETBNENG

i)	Ki Par Mawlynai	...	...	...	...	3
ii)	Ka Dabla Ksjar	...	...	...	...	4
iii)	Ha ĩng U B'el	...	...	...	...	8
iv)	U Amdaini	...	...	—	...	11
v)	Erbatemon-tesi	...	...	...	...	13
vi)	U 'Señ-Tameh	—	...	...	...	16
vii)	U Lum Hira	...	...	...	...	
viii)	Ngim lah klet	...	...	...	...	20
ix)	U Sur Matlah	...	...	...	...	22
x)	U Lum Diengiei	...	—	...	...	25
xi)	Ka Lypung Ri Lum	...	...	...	...	29
xii)	Ka Krem Lamet Latang-I	...	...	...	...	33
xiii)	Ka Krem Lamet Latang-II	.	—	...	...	39
xiv)	Ka Krem Lamet Latang-III		...	...	...	41
xv)	Ki Bniat Masi	...	...	...	...	43
xvi)	Hapoh Ki Trep Ki Skum	...	...	...	...	46
xvii)	Ri Lalpew Sylom	...	—	...	...	49
xviii)	Ka Panjlra Ksjar	...	...	...	...	51
xix)	Namar ka Ri	...	...	...	...	55

## JING PYNBEIT

**Page 5** Dkhot 2 laiñ 3 pule 'hlar' ym 'hair'

**Page 9** Dkhot 6 laiñ 1 pule 'Suhsynri'

**Page 14** Dkhot 7 laiñ 4 pule 'u phet U Blei'

**Page 23** Dkhot 4 laiñ 4 pule 'lade' ym 'lada'

**Page 41** Dkhot 7 laiñ 4 pule "'kumne ka sah ha ka parom" ym 'kumne ka sha ha ka parom'

**Page 42** Dkhot 3 laiñ 4 pule "'jngum" ym "'ngum"

**Page 44** Dkhot 1 laiñ 2 pule 'kyrwoh' ym 'khyrwoh'

**Page 45** Dkhot 8 laiñ 2 pule "'miar'" ym 'mir.'

## KA LAMPHRANG

"Ki Siejkhongpong" 'Ki Sairupa"  
Ki ngam sha Kpep ka jingshisha ;  
Nga biah wai-ktieh sa "Ka Mamla"  
Ban puh ki 'rang ki 'thel samla.

Na jrong kynthong Mawshalaitbit,  
Arsut nga jngoh sha shiteng riat,  
Ka sdien hangthie "Panjira Ksiar,"  
N'u thied dieng jri nga thor nga hiar.

Ka Panjira khlem u Moina,  
Ka lip ka dor ba dap pura ;  
Na shiteng riat nga khmied sha neng,  
Ban thain "Na Pneh U Sohpetbneng."

Pyrthel lyngngai ka nang ioththiah,  
Pyrkhat ka thnam kat thlew shylliah ;  
Sa katno shuh ban ksah pynskhem,  
Nga klan lyngba dohnud barhem.

Nga ieh shadien "Ki Siejkhongpong"  
Ngan wad balei "Symper U Mong ;"  
Nakliar u Lum Shyllong nga spiar,  
Ka Jutang khuld "U Diengduh Ksiar."

Bunsien bunsien ki bret sha rngai,  
Haba shaphang jongki nga rwai ;  
Ma Phi Kynrad to pille jingshai,  
Ki khuiñ b'la buhrieh ka Hyndai.

Ki Khyrdop, ah ! Khyrdop ba jian !  
Hangne ka rieh ka jingmaian !  
Lynter ka Sharak Jingshisha,  
Jingdum ba tasam tam ki pra.

Ko Maji, klong, to klong la nga.  
Sha tral thymmet ki Um Rupa,  
Napoh ki jingiylliew jong ka,  
Ngan lum ki symboh jingshisha.

Phi ruh, ko 'Erpyngngad-bamon,  
 To beh, to beh noh shisyndon ;  
 Balei ha jingdum tilew ngin sah,  
 Pansnglat ka Jaltbynriew ngin rah.

Kumba ka dak h'u Simpyllieng,  
 Khnang ba u briew un nym bylling ;  
 B'la thoh shai kdar d'u Khulom Nar,  
 Ba Ri jongngi shaphrang kan iar.

Na Saw ki Iyer shah ba ngin lum,  
 Kam pher ban ngam ki khuiñ badum,  
 Ki Maw Hira ngin sei pyrthel,  
 Ban puh rymuiñ ka Iing t Mei.

Khlem thait ne dor, khlem lwait ne jrah,  
 Khusnam ka Ri shajrong ngin rah :  
 Khyndai Synriap u slap ngin shah,  
 Khlem tieng ngin klan sha shiliang wah.

U Pukni Sylem sha jngai u peit,  
 Nga ruh shata nga thmu ban leit ;  
 Katba jylllew ka 'llew Kyrbel,  
 Ngan wad hael don ka thymmei.

Nga song 'wai-ktieh, nga song 'wai-dong,  
 Kumne ha phi nga peiñ ki rong ;  
 Ban puh ban phieng ka ri jongnga,  
 Nga rwai durut sngi bad synla.



## NA KPEP U SOHPETBNENG

### 1. Ki Par Mawlynnai

Haba nga iaid sawdong ka ri,  
Hajrong ki lum, harud ki thwei ;  
Ki shad ki symboh Mawlynnai,  
Napoh ki kpep byrhuiñ ka rngai.

Jingstad kiwei ngi tih thymmei,  
Ka thymmei ri ka don haei ?  
Nga lap ki symboh jingpyrkhat,  
Na Khriang ki por sha nga ki shad.

Ki lum ki wah, ki khlaw bajngum,  
Ko Ri ki kshaid ba noh rymphum ;  
Ki khor ki khriam rymmuiñ phi deng,  
Na pneh jong pha nongrim u seng.

Ki symboh ksiar ha lum ha wah,  
Hapoh ki trep ki skum ki sah :  
Lano ngan her sawdong ka ri,  
Lano sha thwei jong ki ngan jngi.

Hapoh ki krem, ki mawbynna,  
Ki lang ki mawlynnai paila ;  
Nangne ngam tip shano ngan jam,  
Kumno shata ngan kot ban kam !

Ki phud jong ka kim don jingkut,  
Ki thung sha trai ka bymjukut ;  
Iathuh ia nga ko Lum Shyllong,  
Bad phi ki lum Mobahbakong.

Shapoh ki khuiñ ba jylliew tam;  
Shaduh khyndai ñlamra ngan sam  
Nangno syrwet ban krang lynti,  
Narud ki thwei ka Um Shyrpi ?

Mynba nga klew na kilar Diengba,  
 Nga sngew ka ud pangnud ha rngai ;  
 Ryngkat ummat, sha ling nga phai,  
 Nga phrong ban thwet ia ka tynrai.

Hangne ki lang paila kordor,  
 Ha kpep ba jar-jar ka mynnor ;  
 Hapoh ling traw, tyhriew tyndai,  
 Shaphang jongki kumne ngan rwa

Katba dang-im u saihon tdem,  
 Katba dang iam ka Sohlyngngem ;  
 Katba ka hok ka dang-ap-ktem,  
 Ngan wad iaki ha ban da shem.

Ko symbol mawlynnai phyrnai.  
 Hangno ki thwel jongka hyndai ?  
 To sei ki rong, to pynshai kdar,  
 Ki syrtap hamsaia ba iar.

Kumne ngan her ryngkat ka lyer,  
 Shapoh ki tmier-ki ri bapher,  
 Shuwa kin lip, kin kwit kin rngai,  
 Shaphang jongki to shah ngan rwai

## 2. Ka Dabia Ksilar

Ha sngap ha sngew ko khun ka Ri,  
 Ka dabia ksilar ngan plie ha phi,  
 B'la panjira lyngba ki r'ta ;  
 I'u Moine ksilar ka jingshisha.

Mynstep mynmiet u iam pangnud,  
 Napoh ki krem ka bymjukut ;  
 Shaphang ki maia ka hyndai,  
 Kiba haka la bsap tyngkal.

Ka Duitara ka ud ka rwai,  
 Shaphang ki tusblr ka hyndai;  
 Na thwei ba lang ki ummat ksiar,  
 Saldud u rwai, jutang u splar. \*

Mynba pyrthei ka dang sotti,  
 Shuwa ban hap ki bniat mæsi,  
 Khadhynriew trep ki kiew ki hair,  
 Arsut arted ka jingkleng ksiar.

Ki kren pharshi harum haneng,  
 Shuwa nongrim pyrthei yn seng,  
 Shuwa ka jingkleng ksiar kan dkut,  
 Shuwa salsylang un set kyllut.

Mynba ki hiar sha ka pyrthei,  
 Sawdong jongki u ker U Blei,  
 Horkit hanghe kim lah sahmiæt,  
 Ioh ba ka hok ka ring syngit.

Kumta suki ki sdang ban phriang,  
 Katta nangiær ka rep ka riang;  
 Ki bri ki bsah ki pluhg ithiang,  
 Ki phriang jarud halor mawsiang

Kumne ka rwai ka aïom ksiar,  
 Mynba ki dap ki sup ki thiar;  
 Katba ki kshaid ki riaw shaw-shaw,  
 Ki nguh ki dem i'u Trai Nongthaw.

Phuh mat ki 'rang ki 'thei samla,  
 Katba dangrwai u sai muka;  
 Jingkmen ka synshar suk-mynslem,  
 H'u Mawsiang-bneng ki buh nongrim.

Lyngngal ki tuid ki syr babang,  
 Ki samla sah, shongprah shongshang;  
 Ka pap ka ringsdot, ka pynsti,  
 Ka kilt sha rngai, ko khun ka Ri.

---

Splar\* :—Paitmaat ne pylar; barabor ki ju splar ia u tluh' u stein shuwa ban jyrthiaw ksai thain larong ne 'sai-khwai 'sai 'tiehpatur.

Sawdong Lum Sohpetbneng ki phriang,  
 Sha bneng ki klt ka rep ka riang,  
 Ki shet ka shriew, ki sdieh pyrthiew,  
 Ki iaid pynggad ha 'persyntiew.

Ki koit khiah krad, ki khlaññ ki ksah,  
 Ki smat ki sting, kim thait kim jrah ;  
 Wah duld ka hok, ka sngur laittluid,  
 Na thymmei ka dohnud ka tuid.  
 Ki sim bun rong, ki mrad ki mreng,  
 Hapoh sañlum, harum haneng ;  
 Kawei ka ktien ki ih ki kren,  
 Ka hok longsyiem i'u briew kim len.

U Krai u heh symboh hadem,  
 Mynba ha piap\* u briew um dem :  
 Khyndew bad bneng ka jong U Blei,  
 Ka suk ka saññ shi-snieh pyrthel.

U Kba u stem hall baden,  
 Dohnud ka kmen, ka um ka tngen ;  
 Ka hok ka synshar ka ialam,  
 Ha kpalt u briew um tip ka iam.

Hapoh syrnglew, harud ki wah,  
 Ki sur jingrwai ka lyer ka rah ;  
 Ko Sotti juk, ko Alom Ksiar !  
 Lyngsyun u phuh u 'tiew lyngksiar.

Iathuh ia nga ko Lum Dienglei,  
 Bad phi ki thwei krem Um Bylle ;  
 Hangno kum pha ha snleh pyrthel,  
 Ko Ri shong-kun ba leit ki blei.  
 Ka hok ka parpaiñ ka synshar,  
 Hangno ka kem ? Hangno ka lar ?  
 Nongthaw Nongbuh, synrap u iaid,  
 Ryngkat khadhynrlaw trep bun palt.

Ki nguh ki dem tang ia U hi,  
 Dangstep, ha ban da sep ka sngi ;  
 Ki ksuid ki khrei, ki boit takraiñ,  
 Jingmut kim ring ban pyntyrsaiñ.

Hangno ki ryngkew ki basa ?  
 Kael ka shat, ka kheĩñ ka kñia ?  
 Thaw-briew mut-briew, ki kam kynsha,  
 Ki shong kynrong khlem jingshisha.

Ki 'lei-lum bad ka ram-shandi,  
 Ka shwar u thlen, ka atlukhi ;  
 Pa blei Lawbah, u ramthakur,  
 Ki blat ka dur, ki ngiew ka sur.

Ban lei u dkhot ? Ban lei u dkhai ?  
 Kaei ka khwa ?\* Kaei ka skai ?  
 Ka hok tynrai ki bat tyngkai,  
 La haba dum ne haba shai.

Kim don iing mane ne iing-seng  
 Ka rongiapan ki bud tynneng ?  
 Kim don kitab ne 'riew-tip-lut,  
 U Blei kynrad, na dang ha-kut.

Ka met, ka iing blei ba kyntang,  
 Shuwa u briew un tip ka pang :  
 U Blei na jrong u Blei na tbian,  
 Uba lah ba lai, uba sian.

U Blei da lade hi u paw,  
 Khnang ba u briew un nym pyngkraw.  
 Utaí, u bujai bin-pa bin  
 Shadien shakhmat, i'u briew u btin.

Kumta ka iaid ka Sotti juk,  
 Ha 'persoh 'persyntlew jingsuk ;  
 Dohnud ka um, ka tngen, ka pylar,  
 Hapdeng u bynrlew solonsar.

---

Khwa \* Ai bam ia ki ryngkew ki basa ia, da ki soh ki pai  
 ne u symbai u ngai, ne u kwai u tynpew.

### 3. Ha ling U Blei

U Blei na jrong, U Blei na tbian,  
 Uba tip lut phar uba Sian,  
 U saiñ met-bneng, ki jor tynrai ;  
 Ka haw haw bad ki khlur.phyrnai.  
 Ka burom bymjukut u phong.  
 Shuwa pyrthei bad bneng kin long  
 Jingstad ba mañan tam u bat,  
 Ba jingmut briew kam kot ban twad  
 Da U ki lang khlur lin byrlen,  
 Ym don ka Lawel, Mynfa. Hynnin ;  
 Ki 'per-syntiew 'Lurmlot 'Lurshai,  
 Sha U ka nguh ka dem ki ai.  
 Ka Nongbah khuld. ki khyrdop ksiar,  
 Ym don thylliej ban jer ban thiar,  
 Hangta jingsuk ka dap ka shlei,  
 Ba tuid na krung ka dohnud blei.  
 Ki pud jong ka kim don jingkut,  
 Na bymjukut sha bymjukut,  
 Shihajar snem. ka long shi sngi,  
 Na sdang ha kut tang ma U hi.  
 Ha khmat ka dorbar blei pyllun,  
 Kawel ka rai ka mir ka khun,  
 'Ngin thaw 'I'u briew ha dur ki blei,  
 Shuwa ban buh nongrim pyrthei,'  
 Hangne u Thawlang ka lawbel,  
 Ki sdang nongrim, ka tnum ka dpei,  
 Shuwa kin hiar sha ka pyrthel,  
 Ki sdang thymmei na ling U Blei.  
 Suki ki lang khadhynriew trop,  
 Ka thwei jinglet ka bym ju sep ;  
 Hapdeng ka jingman bneng ki sah,  
 U Blei bad ki U laid syndah.

Hangta ki roi ki par ki suk,  
 Ka sngi kam shoh, jingpang ne duk,  
 Kim tip ka krong, kim tip ka kpep,  
 Ne, lynti dum sha lum jingtep.

Ka sngi kam sep, u bnal u shai  
 Ka spah kordor b'la buh tyngkal,  
 Ryngkat u pait-byillen ka bneng,  
 Shuwa ban ieng Lum Sohpetbneng.

Ha 'Per syntiew ki sim ki pah,  
 Ki dieng ba kmen ki jyrngam sah,  
 Ka khmat u briew ka ial samla,  
 Hangta un im baroh shi rta.

Hangta kim tip ka jingtymmen,  
 Lymne kiei ki 'namtypem,  
 Temlabyrhulñ suhjer shykhei,  
 U briew um tip ka niampungrei.

Ka syrngiew dum 'Pepbah 'Peprit,  
 Ka-reng ka-ngab ym don ba tip ;  
 Ka Thepmawbah, ka kñja Maw-klim ;  
 I'u Blei ki nguh, la lup ne llem.

Ka taplubri ne suhsvri,  
 Ka dungtohsah\* 'khangapot sngi'  
 Jingim ka rwal ha kper syntiew ;  
 U briew um tip kaei ka nglaw.

Dung-tohsah : Ka jingjla baantiew kaba mih na kaba pyinkhein jutang ne kdiah kular, ne ka amal ka kiria lamier. Ka long ka saje bala ai da ki blei.

Khang-a-pot : Ka jingkheng hadkhang lynti da ki bor kiba sha lyndet ba u briew u lah ban leh ei-ei. Kum ka nuksa, u khun um lah ban pei ne la don bynta haka nam ka rukom ne ka lap ka-im namar ka pang ka jhia ne ka khang-um kheng wah bad kiwei.

Ka ktieh ka lwer, ka pap ka ner,  
 Bishni pihulā kam pat thaw sner ;  
 Ka jingim sngur ka tuid lyngngai,  
 Kam biah phongrai ka hok tynrai.

Ha shnong ka Tlem, u puh samrkhie,  
 Mynba dang tuid ka asorphi ;  
 Kaei ka thngan, ka ud pisa,  
 Ne, jingmut brai ba nglew kynsha.

Hangta kim lang ki ummat kthang,  
 Ne 'tlohpong deng Sierlapalang :  
 Mynta ngi sah haka lyngngoh,  
 Namar sawdong u kah u lyoh.

I'u khun phrangengi bun kmen bun rwa,  
 U thaw pyrthel rong mawlynnai ;  
 Ka Jingkiengksiar u pun na Neng,  
 Ka ksoh halor Lum Sohpetbneng.

Kumta ka ieng ka kiew ka hiar,  
 Kumta pyrthel ka long ka thiar ;  
 Ki 'rangpaki, ki 'thel-samia,  
 Don jingdap dohnud kat kata ?

Shalor ki lum, harud lyngkha,  
 Rukom ki rong, ki sur nylla ;  
 Shuwa ban dum, sha bneng ki kiew,  
 Ioh ba ka rwiang ka noh sha sniew.

Lyngba ki rta, lyngba ki snem,  
 Ki im laltuid, jingsuk ki shem ;  
 Hangno ka thait, hangno ka jrem,  
 Shuwa i'u ksuid kin nguh kin dem.

Mynta ngi sah dum sah lyngngoh,  
 Namar sawdong u krel u lyoh :  
 Shapoh 'liew-shor bah u ngam,  
 Rynghat ummat shata ngan jam.



## IV. U AMDAINI

Mynba ka bneng ka dang phyrnai,  
 Ka wlat rymmuiñ ka Sngi u Bnai ;  
 U Amirphor, u tiaw-diengngai,  
 Balei u btai, u shong lyngngai ?

Na jngai u lyoh dum ba shyrkhei ?  
 U bam-hynroh ka dohnud blei :  
 Ka bneng bakhuid ka kylla jngut,  
 Ka sma 'seiñiong sha bymjukut.

U don u wei u Hanga-mei,  
 Ba eh ryndang daini shyrkhei ;  
 Shaneng sharum u laid u pur,  
 U Sawkuna, u Pukni bhur.

I'u Trai Nongthaw um mon ban dem,  
 Ba la thangsaw jingia tip-lem,  
 Ba la kiew skong ka jingsngew-meng,  
 Ha synrang maw men ang-tynheng

Ki um paila-rupa ki jngut,  
 Ka biahphongrai, dohnud ka pyut ;  
 Ka suk sotti ka kylla rben,  
 Ka jutang khuid ka sop-pailen.

U Blei na bneng u shop khongpong,  
 Arsut ki ngam shapoh along,  
 Ryngkat byllien u paitapom,  
 Shapoh hlewlong kynsha U ñlom.

Hangta ka ñlamra ba khlem trai,  
 Un iam pangnud khlem kut khlem wai :  
 Sha bymjukut ka ding ken klang,  
 Ba me la kdiah la ka jutang.

U Amdaini u sah ka sni,  
 Wat la ha thwei kordit u jngl ;  
 Ka kput kylliang hangta kam wal,  
 I'u khun ki blei mynta un khwai.

Nangta u khroh Hynñiew khun blei,  
 Ban ngam sha lwer kynsha shyrkhei,  
 Ban mad ki ummat kthang lanot,  
 Shapoh ki krem ba sngew-sangsot.

Shaneng sharum u khil u tur,  
 Lir-lir kum 'seiñ syntiat 'llewnur,  
 Harud ki 'persoh 'persyntiew,  
 B'un tian baji I'u brlew sha sniew.

Ka pap, shipor ka al jingkmén,  
 Suki ka ahó bah kan den,  
 Un pylar ñiuhkhileh un thap shadem,  
 Ynda ha ahó bah un pdem.

Harud ki wah un trud ka khileh,  
 Shalor ki lum un ryngkang shrieñ,  
 Un silang hir-hir ki um ka bneng,  
 Ah ! me u briew ! U khun tam sneng.

Nangne un iald lynter lynti,  
 Ha sniew un ngam, ko khun phrangsngi ;  
 Haba ka hok ka ngamulot,  
 Un mad ki ummat kthang sangsot.

Kumta, un iald lamwir lamtham,  
 Shapoh syrnglew ka nglew un jam ;  
 Mynba ki kshald ki kmén ki thnam,  
 Wei briew ha trai dieng-jri u iam.

Kumta u kreí u ksuid u khrei,  
 Ban khñlot I'u briew ha snieh pyrthai ;  
 Nangta un edang ban wad I'u Blai,  
 Aní ! Ko Mei ! U don hael ?

Sawdong u lum ki sher dara,  
 Shuwa uwel shael un pra :  
 Kumta ka sdang ka Purinam,  
 To shah ia nga shata ngan ngam.

## 'Erbatemon-Tesi

Halor ki lum, shapoh ryngngi,  
 Hir-hir beh 'batemon-tesi,  
 Dohnud ka dap, ka shlei ka rhem ;  
 Na khmat U Blei jingsuk ki shem.

Ki Pakhaslew ki kaweh stieh,  
 U rynnlaw-syiem u shad mastieh ;  
 Ki khlaw barben, ki wah rupa,  
 Kane ka del ka ri jongnga.

U soh u pai u plung u sei,  
 Ki thlar ki sup ki dap ki shlei ;  
 Hapdeng ki 'persoh 'persyntiew ;  
 U laid puhmat u khunbynriew.

Shi shang ki rep, shi thlar ki lum,  
 Shuwa Diengiel un kah jingdum ;  
 Hai hai ki 'rang ki 'thel samla,  
 Ki laid bam lyer harud lyngkha.

Arsut arted ka dingkleng Ksiar ;  
 Shuwa kin ryngad ki Umjer Ksiar,  
 Ki thle...thle lum paila lyngkhoit,  
 Ki phrlang jarud kyntoit kyntoit.

Kumne ka sdang ka siaw ka rwai,  
 Ha syrngiew tngen ki shong-sadhai ;  
 Ha raring lum, hapoh tyrkhang,  
 Sawdong pynta krel sur babang.

U Blei hagdeng jongki u laid,  
 Ka sngi ka mih phaliar tait tait ;  
 U sneng puramit bin U tai,  
 Kumno ban saiñdur ka lashai.

Kumba ka sylar, thapnlang ka kdup,  
 Linen sottl ka hok u kup,  
 Bunsien ka khlieng ha tnun ka swait,  
 Kumno shapoh jylli kan lait !

Kumba ka lyer ka wan ka leit,  
 Ka kiew ka hiar ka suk ka beit ;  
 Pukri ka hok, ka dap ka shlei,  
 Ka syier ka diaw ka don haei ?

Mynmiet ki thiah ha shnong U Blei,  
 Mynsngi ki laid ha snieh pyrthei :  
 Da kumwei pat kim nang ban rwai,  
 Nalor B' u kynrad kslar u ai.

Pyrthei mariang ka suk kynjai,  
 Ki lum ki wah ki thiah lyngngai ;  
 Ki khlaw ki kmen, ki sim ki rwai,  
 Jingtaro h thiang i' u Trai ki ai.

Kumne ka ih tang shiphang sngi,  
 Shuwa kan tap ka lel ka jrl ;  
 'Erbatemon-tesi ka phleng,  
 Ka dak ka ruld h'u simpylleng.

Kumba u put-khyndew u krei,  
 U tap ki luh, u nguid ki thwei,  
 Ka kdiah hukum ka pynthynrei,  
 Na khmat u briew, u phet Blei.

'Erbatemon-tesi ka rngai,  
 Ka rkhië ka kmen ka shu.jah rngai,  
 Hapoh ri khlaw ka khie 'erlong,  
 Mynta la jop u Sawshyrtong.

Nangta u pom ka jingkieng Ksar,  
 Baroh ka wal ka klew ka hiar,  
 Mynta un thung-tasam-longwait, \*  
 Junom un khih pisa un ksaid.

Ynda shapoh ki lwer u ngam,  
 Un bamhynroh u 'ñiangbamram;  
 Shapoh sangam ba-phleng kynjah,  
 Marwei hangta un shoh samthiah.

Jingsuk ka dkut naduh tyllong,  
 'Eriwbih-thiang ka sma iwkhong;  
 Ki kshald ba kmen kin ud sngewsih,  
 Hangta ha Khadarsnem kynthih.

Ka khmat u briew ka stem blaid blaid,  
 Kum 'tiew-dohmaw ha trai u kdait;  
 Ki lum ki wah ki sma 'selñiong,  
 Shalor u kah u lyoh ba-iong.

'Erbatemon-tesi ka ri,  
 Kumne ka sah tang ka pharshi,  
 Ki lum ki lip ka dur bathiang,  
 Mynta junom iaka ngi sliang.

Ka 'ertyrkhong ka beh kyrthep,  
 Ki bri ki shrah, ki jlep ki lhez;  
 Jingsuk jingsaiñ ka khang-khyrdop,  
 'Erbatemon-tesi ka sep.

Kumne sha kpep ki por nga rwal,  
 Ma Me Kynrad to ai jingshai;  
 'Erbatemon-tesi pongnal,  
 Dohnud u briew to wan syrpai.

Thungtasam - longwait \* : — Ka jynjar kordit kaba ym don thyl-  
 tie; ban batal, ka lanot; \*Ka sngewsih sat, Thngad thngaw.

## U 'Sein-tameh

Mynba u Hynñiew Trep 'Niew Skum,  
 U ngam shapoh ki khlaw ba jngum ;  
 U 'Seiñtameh u kliam baji,  
 Hapoh ki ñlur ñlur nglew b'un jngi.

Na khmat U Blei u piam jingtim,  
 Ngut nget u paw ka Rngai Syrim,  
 Teng teng u khia, teng teng u dngiem,  
 U Saw-shyrtong ba phieng ba triem.

Jali jaum khroh Hynñiew Trep,  
 Ryngkat bad u ban ngop sha lhep ;  
 Ban pom ka Jingkieng Sohpetbneng,  
 Ba pun n'u briew shu Blei shaneng

Da 'tien padlah jali jaum,  
 Ki ahor bah u piam u thum,  
 Shrip shangkawiah sha slung b'un set,  
 Ka Jingkieng Ksjar ar-dkhot ban khet.

U Langbrot tlem harud lyngkha,  
 Khlem lap phohsniew dei 'Lenpula :  
 U Hynñiew Trep U trei lyngkha,  
 U 'Seiñ tameh khadsaw synia.

"Hakhmat U Blei pansngiat nga phong,  
 Ki nia nga sel, sawar pynshong ;  
 Lada phi thait ka Jingkieng Ksjar,  
 Phin stad ki blei badap ikter.

Khuiñ jingstad-rieh bad ki maia,  
 B'ia buh tyngkai lyngba ki ña ;  
 Phi tang shu pem ka jingkieng Ksjar,  
 Phin stad ki blei tang solonsar.

Khmat kahsyrdeng kin hap sarew,  
 Kumba ka pluh ka tynral prew :  
 Ki bhoiñ jingstad rieh yn khyllie,  
 B'la Buhrieh na myndang sep ka sngi."

H'u 'Seiñ-tameh u llat hi lor,  
 Um lap ki thwei ka jingshukor ;  
 Sa shiphang sngi un pel ki shkor,  
 Balei u ngam ha pung ahor.

Ka jingkieng Kslar u malt noh jraiñ,  
 La shympriahkti pynban u shaiñ ;  
 Ko Hynñiew Trep hael me don ?  
 Balei h'u dek lade me phon.

Kumta ka her ngaiñ-lyngaiñ ka bneng,  
 U Khyndai Trep u sah sha neng,  
 U Hynñiew Skum u iam pangnud,  
 Ka kiew ka hiar baroh la kut.

Nangne un iaid kyllaiñ lamwir,  
 Shapoh ki bir un ngam un wir ;  
 Nangne um shem u Mawshongthalt,  
 Dael un spaiñ dohnud ba pait ?

Mynta u raiñ ba u lyngkhuid,  
 Mynta un mad ka shit ka khluit  
 Shapoh ri khlaw u leit wad sla,  
 B'un sop b'un spaiñ la jingthala.

Ynda ka her shu ngaiñ-li-ngaiñ,  
 U peit 'matseh lyngngoh lyngngaiñ ;  
 Ani ! u sah khunswet ha khlaw,  
 U Kiuh thot thot ha synrang maw.

'Eriong 'Erngit ka kyrhuh jam,  
 U 'Seintameh shaiwer u ngam :  
 U pyrtu shla..."Ah ! Biei kynrad !  
 Nga shah pynshol mynta shiwat."

Nangta u briew u lald ruma,  
 Shapoh ki khlaw ba triem kynsha,  
 Ynda u kut ki la ban iam,  
 U ngam shapoh rai-eh rai-dam.

Ah ! Blei kynrad, u khot kyrpad,  
 Lano ummat jong nga kin rnat,  
 Wat bat ka tam, ka lait ka let,  
 Ka them ka at, to khmih lyndet.

U Trai Nongthaw u sngew sangsot,  
 B'u khun phrangsngi u hap la-not ;  
 Sa shisien pat na lwer u khring,  
 Sha kpait ki khrlang ia nga kynting.

## "U Lum Hira"

Nangta ban ieng u lum Hira,  
 Nangta ban ieng u lum palla,  
 Mel lieng Mel Ab to king ia nga,  
 Shapoh ki thwei bah jong ki rta.

U Blei bastad najrong na tbian,  
 Khnang ba u Hynñlew trep un slan  
 "Phi thrang leit phai sha ing i Mei ?  
*To suit kyntang i'u lum Diengiet."*

Shuwa ka jingkleng kslar yn bteng,  
 Ka hok nylla ha tbian yn seng,  
 Ynda ki khlaw ki rkhe sahu,  
 Ynda I'u Trai phi la ithuh ?

Kada, ka ithuh la shyngold,  
 U Sing u leit i'u nongpynkolt,  
 Ki khun jongnga ki klet ia nga,  
 Shapoh ki lwer ki lald sakma ?



Na bneng nga shop i'u pnah-señ-her,  
 Shapoh hynñlew ñiamra u her,  
 Ka bneng ka khuld sapha kdar kdar,  
 Ha dohnud briew u shong synshar ?

Kane ka soksular nga buh,  
 Parum pareh- ba phin ithuh,  
 Shuwa ka jingkleng ksiar kan bteng,  
 U Lum Hira ka Hok ngan seng.

Nga smai ha phi pateng pateng.  
 Ka niam ba im, riti to seng,  
 Katba dang Ieng lum Sohpetbneng,  
 To sher dara to khmied sha neng.

U simpah sim karo un rwai,  
 Jingmut u briew un siat pynshai,  
 Ynda ka hok ka la shong skhem,  
 Ynda dohnud u briew ka tlem.

U ksuid u khrel u am pura,  
 Ia phi un shop shapoh ñiamra,  
 Ka rong phyrnai ka dei ka rngai,  
 Ki 'tien sotnot da bat tyngkal,

Ki 'tien pasiang jall jaum,  
 Ki pun jingkleng sha thwel badum,  
 Ki kjit ka bha ki phngian ka snlew,  
 Ha ban da lko, ki am i'u briew.

Snur Thabawa, Ka Pakl Lak,  
 Tang shu dei tiak ka dambit sbak,  
 Nangta ka hiar de oiñ-li-oiñ,  
 D'u 'sal muka ka sop de lyoiñ.

Ka rong ka rup hangta ka blad,  
 La dum Iong ngain ka buit ka stad,  
 Hangta phin sdang ka khot kyrpad,  
 Ia nga u briew, Ah ! Blei Kynrad.

Ka aserphi junom kan jngut,  
 Kynting-a-ting u 'sai kyllut,  
 Junom u brlew un luiñ jingmut,  
 Ha apot engi junom un kut.

Ynda ka hok ka la shong sbai,  
 Ynda ka pap la sep sha rngai,  
 Ynda ka iam ka ud la wai,  
 Ynda la thir naduh tynrai.

Hangne I'u lum Hira yn seng,  
 Ynda la wai ka biñt sngewmeng,  
 I'u khun bynrlew shi t'lup pyrthel,  
 Un phai ka khmat, un sngewsynei.

Sa shisien pat ki kshaid kin rwai,  
 Shapoh nurok u ksuid un rngai,  
 Ka kiew ka hiar hangta kan sdang,  
 U Trai un ñiad phar ummat kthang.

Hapdeng jongphi ngan iaid ryngkat,  
 To khang tala ka juban Lak,  
 Kumba nga khlei, kumta kan long,  
 Ka juban ksier da kynmaw dngong.

## Ngim Lah Klet

Mynmiet ki put ka besili,  
 Jngai bah ka phrlang sur sharati,  
 Ka marynthing ka duitara,  
 Ki wiat sammut ki thei samla.

U soh u pai u lh kyrhai,  
 Ha lyngwardpei ki shong sadhai,  
 Ki Khanatang ki puriskam,  
 Shaduh ki kpep hyndal ki sam.

Samla samhoi kim nang lohthlah,  
 Katba saldud u dang kyrlah;  
 Shapoh ba ngen ka sngi u bnai,  
 Kumne ki rwai shala lashai,

Don hangno sha thymmei jingsuk,  
 Na shlem kyllut bymtip ka duk ;  
 Ha iing l mei ki lang kyrhai,  
 Ka rwai ka kmen shaia ia-shal.

Rangbah rangsan shu jraiñ raiñ-raiñ,  
 Ki im shongprah shongshang ki khelaiñ,  
 Samla samhoi ki sngap peitngor,  
 Ki sur ba ngam sha thwei ki por.

Ki tuld ki syrtap hamsaia,  
 Napoh ki khulñ balwait ki pra ;  
 Shaphang ki aïom ksiar ka bneng,  
 Ki khun pyrsa ang muid tyngheng.

Kumno ka dkut ka jingkieng ksiar,  
 Kumno ki lang ki ummat ksiar ;  
 Kumno ki sah lyngkhuid hangne,  
 Kumno u ksuid u pynthame.

Shaphang ki um rupa ka bneng,  
 Shaphang ka soskular haneng,  
 Shaphang ka suk ka saiñ ka bneng,  
 Balei u liat ban kdiah jingsneng.

Kumno ka wan ka jingtymmen,  
 Shano ka asorphi bakmen :  
 Balei mynta u dei ban iap,  
 Namar shisien u la leh pap ?

Kumno ki khyndai kur ha bneng,  
 Mynta jingsuk junom ki deng ;  
 Ki shiah kim thar, ka syep kam jaw,  
 Kim mad ka thngan, kim tlp ka blaw.

Hangtel junom ki samla sah,  
 Ryngkat U Blei ki shong ki sah :  
 Namar kim sngap i'u Ekkakor,  
 B'u khriag sha nurok ban shongknor.

Hangne kin sah sha bymjukut,  
 Namar u sohpetbneng la dkut,  
 Rymmuiñ ki phuhsamrkhie khlem kut,  
 Kito ki sngi ngi iam pangnud.

Erbatemon ba kmen ka beh,  
 Ki kshald rupa rymphum ki theh,  
 Tiewlasubon junom u phuh,  
 Khmat leit jong u ngim iohi-shuh.

Kumne ngin rwai baroh shirta,  
 Wat la laduh ka jingsngewbha,  
 Tang ban pynhun dohnud bathrang,  
 Bad ban syrpaí dohnud bapang.

Ani! Ki paki Mawlynnai,  
 Ki khmat baphuh ba íai phyrnai,  
 Rymmuiñ ki syntiew kslar ki wiat,  
 Dohnud jongnga d'u khnam ki siat.

Nangno u brlew un íoh thyllíeí,  
 Ban batai ki pud kajingíeí,  
 Satang ki ummat kthang ki jaw,  
 Haba kumne ngi poi kynmaw.

Saidud saísyíang hangne u dkut,  
 Ka sharati ka set kyllut,  
 Hangne ka ngam ka sngi u bnaí,  
 Ngam tip nangne shano ngan phai.

## U Sur Matlah

Nangta ka mih ka shad-puri,  
 Nangne ki sdang ban pah suri :  
 Mynmíet dumbnaí ka win ka khlaw,  
 Mynsngi ki thiah ha synrangmaw.

'Tip-bríew 'tip-bleí, hana ki ong,  
 Ko parakur ba bat dyngkhong,  
 Ryntíeh ngín íeng kumba la long,  
 Ka Níam-tyrnaí ka del ka thong.

Man ba ki jam ki kyrpad blei,  
 Ngi-lait ngi-let, ngi sah khunrei ;  
 Ngim tip ka duh, ngim tip ka dang,  
 Ka nguh ka dem ka sah lyngkrang :

Mat-ir matlah, ki tba kylleng,  
 Halor kiwei, nongrim ki seng ;  
 Ka rong iapan, ki bud tynneng,  
 Harum haneng ki jer kirteng.

"Naduh b'la wan u khyllah jait,  
 Ki iing ki sem ki or ki pait ;  
 Ki khun pyrsa byllud tdongmlaw,"  
 Lada ki suh ka khlieh sha piaw !

U 'sewnguidprie u kalaiñ tdong,  
 Ahor u plam naduh dyngkhong ;  
 Ka iap jingbha, ka ksult u khlong,  
 Ki 'tien daitdong, woh shiah thyrdong.

Sharum shaneng tare matlah,  
 Ka jingshisha ka dungtohsah :  
 Katba nangjur ka jingmatlah,  
 Katta nangpliah ki nia saitlah.

Naduh ba pluh u Lum Lawbah,  
 Ki her saphrlang sha lum sha wah :  
 Ka rwai puri ka rkhiang kynjah,  
 Ha krem ka dohnud briew ka sah !

Sa shisien pat ki sdang lumpald,  
 Ki sei arpnat khlem kut khlem thait ;  
 Harud ki surok rong ka Sor,  
 Ki riam l'u briew sha ktieh ahor.

Halor ka stleh-rapjot 'kolshor,  
 U shoh thame u lok u jor ;  
 Namar ka rwai ka sharati,  
 U jawummat u khun khasi !

Kumta ki rwal ki slensyntiew,  
 Ko parakur kyndit bynrlew ;  
 Namar la rnat ki um ka bneng,  
 Na khmat u Blei ki laid tam-sneng.

Nangne ki phah Kyrwöh kylleng,  
 Shadsuk mynsiem shikhrum ka bneng  
 Namar ka ri baroh ngin lm,  
 Ngin jer ngin thwat i'u maw-nongrim.

Mutdur thawdur, ka kam thala,  
 Ka shad khawiang, ka pynbakla ;  
 Hyndai ha Lum Lawbah\* ki ong,  
 Ki puri lieh ki shad-sawdong.

Hangta u tem nakra U Buh,  
 Nalor rynsan u nang peitthuh :  
 Katba ki boit ki shad sngewbha,  
 Ha krem ramia u ksaid pisa.

Latakoina, ka Sharyntin,\*  
 Pablei Lawbah\* ia u ngi sin ;  
 Ka yla\* tyrtho shiteng synia,  
 Ka bret i'u briew ha jingthala.

Ynda la sdang ban wit-ban-wa,  
 Ki del ban loh ka shad-sngewbha :  
 Kumta na lypung khun ka ri,  
 U kynja sylem un lam lynti.

Lum Lawbah\* — U Lum Lawbah ha Sohra. Hangne ki ongu shna rynsan u Buh Mynta. Mi Økhar ki khot 'Rangaonobo haka jakæ 'Rynsan u Buh.'

Pablei Lawbah\* — U Dormi. La ngelt ba u lohi blei. Kashnong Lawbah ka don hajan Tyllaw — Nonglalt harum Maweynram.

Latakoina Sharyntin\* — Ki arngut ki puri Shipara, la ong ba kilong kiba bhabriew haduh katta katta.

Yia\*—Rwal puri ne yia keuld ne khotia ki keuld mynmiet.

Nangne u sdang u Sur Matlah,  
 Kumne mekia kynthah thyllah;  
 Namar kim lap naduh ba sdang,  
 Rukom kiwei ki lum ki lang.

Narud ki thwei Sunapani,  
 Nga her laid-kai kylleng ka ri;  
 Iathuh ia nga ko Sim Rynñiaw,  
 Bafei bunsien bunsien nga blaw.

## U Lum Diengiei

Nga sngew kyndiang ka Durbar blei,  
 Syrtap ki nia ki sei ki khlei;  
 Na jngai u Rynñiaw Syllem u rwai,  
 Namar ka dei ka khmat Synrai.

Shi t'lup pyrthai u Hynñiew trep,  
 Ka juban khuid ki piam ki thep:  
 "Pap ner," ki smai, "Ngin khang khyrdep,  
 Haduh ka sngi jingim kan sep."

Ki ap 'shandi i'u Lum Hira,  
 Kum Ni Lurshei ba ap phira;  
 Ki nguh ki dem i'u Tral kynrad,  
 'Ngi lait ngi let mynta shiwat.'

Sa shisien pat ki win ki maw.  
 'Erbetast ka beh ha khlaw;  
 Ha tral u shieng ki sim Kyrkhaw,  
 Ki shong syaid sngi harud ka khlaw.

Ka sngi ka ih ha wak ha lum,  
 Napoh u briel ka khlong jingdum;  
 Ka Mieng ka Kaw, ka Marynthing,  
 Ka her syrngiew ka smiej ka tieng.

Ki thwei ki rkhié, ki kshaid ki rwai,  
 Ka Lyntalt maw ka her jngal jngal ;  
 Ha khriang khiap khiap ki sher syngkai,  
 Kə iam pangnud baroh la wai.

Ha sympa maw u ngap u lwai,  
 Suhsileng iwbié 'tiewlapongnai ;  
 U 'tiew-matlong halor ryusan,  
 L' u tangduma phum phum u tan.

Parum pareh ki trep ki skum,  
 Ki soh babang ki lh ha lum ;  
 Ralshan 'Raitruh, u Riewhadem,  
 Hapoh kyntem l'U Trai ki dem.

Wat la bunsien ki shiah ki thar,  
 Ka syep kthang-miuh ka tuid ka lar ;  
 Ki trep sopphring dap jingsngewbha,  
 Ki rwai ki kmen hapoh lyngkha.

Ki suit ki shor ki pynkyntang,  
 N' u lum Diengléi ki ap jutang :  
 U Ma-lymbolt ha traí u stap,  
 U í ki rta ba bun syrtap.

Kumba ka pung Dam-Site ka dap,  
 Da bhor latí ba bun syrtap ;  
 Wat la dohnud u briew ka sliang,  
 Suki ki ngat ki um bathlang.

Ki ong hana na lum kynthong,  
 Ka mih ka 'lél' ka 'jri' kyrtong,  
 Ki thied radbah areut ki ngam.  
 Ki tnad ba kylan sha suíā ki sam.

Ki tnad ki suh shapoh ki lyoh,  
 U khun bynrlew u ngop shapoh,  
 Hangta u dem u khia u thien,  
 Ka jutang kslar ka soppailen.



U khun ki blei u lyngngoh ngaiñ,  
 Pyrthei marlang ka dum iong ngaiñ,  
 Ki jhur ki jhep ki soh ki pal,  
 Ki stem blaid blaid, ki sdot ki swai.

U wad ka daw, u wad ka lalt  
 Synia bad sngi um man shongthait,  
 Balei ka kah ka 'lei' ka 'kya',  
 Shael u jah u Lum Hira ?

U Blei na khmat jong ki u jah,  
 Hapoh diengiei u brlew u sah,  
 Namar um tip ba u la ngam,  
 Hapoh ki ahor bah ba thnam

Kyrjañ kyriei ka san diengiei,  
 B'u brlew un tip ka dei kaei,  
 Naka u sdang ban kiew sha bneng.  
 Ha shiteng sulñ u sah tyngheng.

Ah ! Blei Kynrad kael kane,  
 U ksuld u khrei u pynthame ?  
 Sa shisien pat ha u ngi ngop ?  
 Shapoh ki lhuh ia ngi un shop ?

Kumta ka lang ka durbar blei,  
 U Hynñiew trep shi snieh pyrthei,  
 Ki wad ki skit ia ka thymmei,  
 Ban tip tynrai u dei u ei.

Ki rangkynih ki rangphawar,  
 Ki balong khlieh, kael kin swar,  
 Ka dum jingmut ka synshar khlaññ,  
 Khatduh ki ral ban pynngad jraññ.

Kumba dapdoh ka thapbalong,  
 Katba nang dalñ nang dap jingmong,  
 U Hynñiew trep u sngewshyrkhei,  
 Balei diengiei ka long kum tei.

Shuwa baroh ki rai ban keiñ,  
 Namar bym kup ka khat ka kheñ  
 Ka phreit ka rwal na jrong u kdait,  
 'Ko khun bynrlew sha nga-to pelt,'

"Lada men ai symbai u rnai,  
 Hapoh lyngkha shah keiñ ngan rwai,  
 Ngan iathuh, ngan iathuh hi keiñ,  
 Lada jutang m'ym kdiah pynkheñ."

Hangta jutang ki ia teh song,  
 Hapoh diengiei, ha trai diengsong,  
 "U Khia mynmlet, jingmong u jiah,  
 Katba ha trep phi dang loh thiah."

"Pynang rynhang ki wait ki sdie,  
 Ynda haba la sep ka sngk,  
 U khia un phot, thylliej un dkut,  
 Kumta diengiei ar dkhot kan dkut."

Nangjur ka pap, katta nangdum,  
 Ka hanga-mei ahor ka thum ;  
 'Nangjiah u Khia,' ka ong ka phreit,  
 "Nangjur saithah, katta nangbieit."

Kumba u lyoh Sohra baiong,  
 Shapoh ki luh Daiithien u shong :  
 Ka 'Iei' ka 'Kya' ka pat de jraia,  
 U khun bynrlew u suk u saia.

Kumne ka win ka Khanatang,  
 Ban ruid ka jylli khrav-Jutang ;  
 Kumne jingdum shiphang ka her,  
 Nangne shano kan siang ki sner.

Hangne u mawnongrim ki seng,  
 Ka nia-ba-lm ban sah paiong ;  
 Riti shongkuh ba pyneh ragnaw,  
 Kan 'suh parpaiñ' h'u kaun bynrlew.

Ki dem arti i'U Trai Nongthaw,  
 Ka lait ka let Un loit Un law ;  
 Kumne pateng ki shor ki tang,  
 Halor ka Hok ki suit jutang.

---

## Ka Lympung Rilum

U Hynñiew Trep shisnieh pyrthei,  
 U wad hangno u don U Blei,  
 U khreh u khrum ka phur ka Siang ;  
 Shu Trai kin pur ki sur bathiang.

Ki sim ki doh, u brlew u mrad  
 Hapoh lympung kin pynnoh kjat,  
 Na kpalt pyrthei jingsuk ki wad,  
 Nangne ngam tip shano kin rwad.

U Kairang Sylem n'u Shiah-Señlong ;  
 U wiat rymmuiñ i'u 'tiewmatlong,  
 U Hurjakoid, u jamithiat,  
 Ki shong lyngngelt ha shiteng riat.

'Tiew-Japang-spong Joiñkhor nylla,  
 Ha shyngkup ling u rwai sngewbha ;  
 U 'tiew Sohtoit kynrem ki tmañ,  
 Halor ka Sohlarmaw u thain.

Shira mithai kheit Sohphinam,  
 U Dem laraiñ ka Hangantham,  
 U Tiew-lyngskaw, u Japallar,  
 Lyngngoh ha pneh ka Temsynlar.

U 'Tiew lyngkslar na jrong u maw,  
 U wiat ka 'Kei-lyngpiet ha khlaw ;  
 Ka Sim-plong Lyng n'u Sohtomhor,  
 Ka rwai Japsaw i'u Sim Kaitor.

Hala ki dur, rukom ki sur,  
 Kumne ka Shad ka lh wan dur ;  
 Katba ka Tyut ka tem Nakra,  
 U 'Slang lai-lad u nangkyrha.

U Shrieu u tem ka 'Sing-pasiang.  
 Dieghied kyrshaw ki sur bathiang ;  
 Katba Risang u nang padjah,  
 U 'Kei-Rang pat u shad Symphiah.

U Shakhylia u tangmuri,  
 U Kui talaiñ arliang syrti ;  
 Katba nangshad kynthai ka Dkhoh,  
 U rkhe iap-ler u 'Khan-somoh.

Shapoh u kdait u Dkhan u ngam,  
 Ka Temsynlar ka ud ka iam ;  
 Namar ka sngi jingkmeh dohnud,  
 Ka dei ka sngi ban iam pangnud.

Katba sawdong lypung ki shad,  
 Ki Rang-phawar ki kyrdem kjat ;  
 Tymmen u San, Samla Samhol,  
 Ka juh ka sur ki ia kynhol.

Ka Lalyngngi ha shynglar-maw,  
 Ka 'tiewlarun hapoh sakaw,  
 Dohnud ka peh, ki kyrshut kjat ;  
 Hapoh lypung kin pynnoh kjat !

Ki pelt wandur ki khongdongjat.  
 Suki ki khreh, ki sum ki sad,  
 Hapoh lypung kynshreng ban shad,  
 Para samla kin pynnoh kjat !

U Pyrthat rkhang ha trai ka Bsiang,  
 U shat ki khmat halor mawsiang,  
 U Janellar, ka Tem-synlar,  
 Kyndit kyndit u khiih bitar.

U khroh i'u Kul b'un ai waitlam,  
 Shapoh lympung kynshreng u jam,  
 Jraiñ-taiñ, khalek talaiñ bitar,  
 Ka lympung shad ka khiñ kulmar.

U Ktiar, u riew rangbah rangsan,  
 U tur riaw-riaw shapoh madan ;  
 Hamar un sdang ka kraw ka sneng,  
 Shah tangon jraiñ, bak kiew sha neng.

Nangne ka sdang ka jingñashun,  
 Haneng harum ki ju ia-khun ;  
 U Kui u khreh shaneng b'un kam,  
 Na ktem-leitrud un knieh waitlam !

U Simtyngwieng u thaiñ ki kti,  
 Katba nang-ud ka Sharati ;  
 Kumno un paw ha khmat lympung,  
 Harud ka dpei u ksaid lyngkhung.

Um don jaiñspong ne khor ban phong,  
 U trud ka khlieh, thapngab u shong ;  
 Sa tang I Mei ba ngan byndi,  
 Ani ! la shet ka pap sepangi !

Haba rongphong ka pynbaji,  
 Ko Sim-tyngwieng die-ri die-Kmie ;  
 Kynthrun shapoh lympung u kam,  
 Ha jinglongmraw ka Kmie ka iam !

Harud I Kong Kyllal Dohdit,  
 Ha riam ia-pan, u kren shongshit :  
 Suki ka thit jingñeit ka ngat,  
 Shapoh ri khlaw ki laiñ pyngngad.

Ka kmie ha iing u Mahajon ;  
 Ka shah ka eh, ka khia ka shon ;  
 Ba la kynthrun ka jingsarong,  
 Jingtñm hakhlieh junom men phong.

Ka Panshandi ka ap Phira,  
 I'u Mangkara khadsaw synia ;  
 Ka riam ka belt baroh la biang,  
 Ka thut jingmut ka ring salsyang.

Shapoh u Ni Lurshai u sah,  
 Ka Panshandi ka dem lorkhah :  
 Dik dik ka thrang, oik dik ka kwah,  
 Balei ka mlet ka sngap kynjah ?

Ka Sohlyngngem ha jrong Phulñiaw,  
 Ka iam pangnud i'u Sim Rynñiaw  
 Namar im mon i Mei i Pa,  
 Bad u kam lah ban ia pol-kha.

U Sim Rynñiaw u khun binong.  
 U Pait dohnud, ei shuh un ong ;  
 U siang ki sner ... bad jar u jah,  
 Ka Sohlyngngem marwei ka sah.

Ka Sngi U Bnat khatduh ki pol,  
 Hamar 'singwai ka sdang kynoi,  
 Ki Laiphewmræ, ki sin ki ngop,  
 Sha krem Lamet Latang ki ngop.

Ka shad ka Kmien ka kylla jngem,  
 Laiphew Rngithaw ki khmat ki stem ;  
 To shah ia nga shata ngan ngam,  
 Mynba u Klew marwei u iam.

---

# KA KREM LAMET LATANG

## I

### U Kiew

Kumba thynrei u blei u syiem,  
Namar u brlew u klat nongrim ;  
Ka sngl u bnai kl phet lam rem,  
Sha Krem Lamet Latang kyntem.

Kum ngap sympa ba khlong phyllad,  
Laiphew jingthaw u stem u blad :  
Ha, oh kl trep kl skum kynjah,  
Ha pneh ka phleng kl shong kl sah.

Ym don sohsat ba kat kata,  
B'u brlew un mad un loh bynta ;  
Ym don thylllef brlew ban batai,  
Naduh ba sngl kam al jingshai.

Tang khlor ka bneng kl al jingshai,  
I'U khun bynrlew ba sah ha rngal  
Tiew Lasubon u uma 'Seifiong,  
U rit mynslem hapoh kyndong.

Ban tap ka daw, ban kup ka nia,  
Ha Durbar blef un am hi khia ;  
Kumba kl rong h'u Simpyilleng,  
U siap un rang ka bneng kan sieng.

Koh Siang Sadew u sangot shneng,  
Nalor kl riat kyrtia u Bthong ;  
"Sha ka Durbar pyllun to paw,  
Ka tap ka hn hef ho kynmaw."

Na krem batong kreI khlew-sei-fong,  
Sha lum kl phirang was 'St-kyrtong  
Sha Durbar blef lung lun pyllan,  
Kumna ka nia ka bam ka khun.

Thapngur thapnger nator ka knor,  
 Ka jutang khuld u tang u shor :  
 Kael ka wit ka lait ka let ?  
 Balel ka sngi ka jah syndet ?

Mano ban ai ka jubab blei,  
 Haba ki Umsohsun ki shlei ;  
 Kumno ban kiew sha duwan blei,  
 Haba ka hok kala thynrei !

Kumba ki sngap mynghi ki maw,  
 Mynba ka pluh ka ding ha khlaw ;  
 Kumba kynjah ka step phyrngab,  
 Ka khmat ka jngem ka blad sap sap.

Kumba rangei ka dieng iap-tnga,  
 Ka shong thapiur harud lyngkha ;  
 Dohnud ka khia ka lwet ka phret,  
 He Durbar blei ki Ia bynshet.

Hangno u rang-kynih phawar,  
 Jingdum iong-ngit ban pynshai kdar,  
 Mano ban khem umjem umjah,  
 Haba ha kordit sat u sah.

To mih pyrthel rang-khad-ar-bor,  
 U ban khala ban kit lyngkor ;  
 Ka shiit ka syang un khem un spud,  
 Ka lait ka let un splar un khud."

"Ko Pat hatl ko khlaif tyrpeng,  
 Balel kumne phi muid tyngheng ;  
 Ma phi phin jam ka ktieh ka lwer,  
 Ma phi phia king sha ki saw-tyer."

"Pi-ar pi-lai, pi-saw pi-san,  
 Ngam tip kumno ka dur ka wan ;  
 Ani ka ktieh ! Ani ka lwer !  
 Ioh ngam jysieh shano ngan her ?"



Ah jingkhlañ bor ba shet shukor,  
 Del built keñ phl kaba kordor,  
 Jabiong kaba tam ha pyrthel,  
 Ka spah tyngkal na khmat U Blel.

Ki khor ki khriam, ka spah hajar,  
 Ka tyngshop phreit i'u 'rlewkgangar ;  
 Ka pyntyrsañ jabiong ba luiñ,  
 Napoh ramew ka khlong bam kruit.

Halor ka knor u khñ kyndeh,  
 Hangno dew trai un b'shet shong neh,  
 Ma phi ko Klew ko rang dathew,  
 Sha krem lamet latang phñ kiew.

Hadien ka nguñ kyrkhu kyrdoñ,  
 Ka jutang khuld u piam u doñ,  
 Shapoh tyngkong ka sngi u jam,  
 U 'rang palei ba kynsañ tam.

Kumba lap iuh tdong bseñ ha khlaw,  
 Ka kem jingleit harud phyllaw,  
 Lei lei b'u khlei 'tien donakor,  
 Shaduh shlp nud ki pun' ki thor.

Kumba ka shoh tyndep ka rngal,  
 U klet jutang ba u la smal,  
 Hapneh ka kmen ka suk lyngngai,  
 Um kynmaw sngi ba un leit phai.

Ia u ka leit, hel ka thung sylem,  
 Ha u ka theh sei la jingim  
 Shikhrum pyrthel ki ap lyngngoh,  
 U pat u jngi ha thwei ki lyoh.

Mynba halor ryngsan u shong.  
 Sha tbian pyrthel u ngold khongpong  
 Ka aiu-re ka shad kyndiang,  
 Ka khlong ki um rupa bathiang.

U Koh Phiang phiang khadsaw synia,  
 Ha iing paki u ksaid pisa,  
 Um peiki ihop ba shilt-tyrha,  
 Ka wiat rymmuñ harud lyngkha !

Ka jingkwah brai ka pynpisa,  
 Jingbang shipor ka slar-kylla ;  
 Haba ka sang ka ieng rasong,  
 Ia jingtip briew ka khñiot khongpong

Mynba kiewskong ka mangkariang,  
 Ka dohnud briew ka thlong ñiangriang ;  
 Shaba ki lang ki pyut ki pyiaw,  
 Hangta ka seng ka pun longklaw.

Jingshai ka ngen shapoh ramew,  
 Hapoh dohnud ki khie ki dew ;  
 Ka jingshisha ka dam matlah,  
 Ha bhor lati u shong u sah,

Ka dud ka khi ka pynring-sdot,  
 Shiteng synia u kyndit rot ;  
 Ha rngai ki shkor ki engap jingkhoh,  
 Rynieng rynieng u shu khietlot.

Hangno ki palong mawlynnal,  
 Ban tem syrpal ia jingkwah brai ;  
 Hangno ki kynroh ka jingleit,  
 Haba longjot ka phon syngit.

"Wat leit ko leit," ia u ka khroh,  
 "Ha u langiap phi threu baa snoh ?  
 Ka rong-pyrthel ka kut ba-ragal,  
 Kumao sha nga shuh phin wan phai ?"

"Ko kmie kynrad, wat leit dukha,  
 Sha phi ngen elang, khala khala ;  
 Wah duld baahngiem, ki 'er pynngad,  
 Balei hapoh jongnga ki shad ?"

Sha thwei ramia u pylar thapniang,  
 Ryngkat dohnud bai'rah basiliang;  
 "Ah shoh khawiang! Kam dei du ei?  
 La shet ia nga ha snieh pyrthei!"

Jangur harud lyngkha tyrso,  
 U ud bynñlaw, u sei tyrtho:  
 Ki sla tyrso ba lung kur-kur,  
 Riaw riaw shapoh lyngkha u tur.

Haban da ingled u bam kyrngaid,  
 Ha trai diengsning u thiah jahthait;  
 Katba lyngngal u nang phohsniew,  
 Ka rwiang jong u ka noh sha sniew.

Ah dur lanot la kut ka sngi!  
 Ki kti ki dait ha ki kynjri;  
 Sa shipor shen ha jingbishar,  
 Ha jingkordit diengsong un tar.

Mynta u kynmaw dulan bneng,  
 Kumno ka sngi baleit ka sneng:  
 Kumno jingthrew jakhila ka doh,  
 Kumno ka pap ka ther ka shoh.

Kumba khalek sla Temsynlar,  
 Haba ka sur jingleit ka par:  
 Kumba ap miet ka panshandi,  
 I'u Mangkara ka khmih lynti!

Halor ka rynsan bneng phyrnaj,  
 Ka ap mano ban ai jingshai;  
 Khatduh ka khreñ ba kan felt wad.  
 Ha jinglamwir ba sngew sohsat.

Shapoh ki lum, sha ingaid ki thwei,  
 Ka wad I'u Kiew u don haei,  
 Hapoh byndi, ha nar diengsong,  
 Ha jingkordit marwei u shong!

Kumfa ka iam ka pait dohnud,  
 Ki ummat ksiar jylliew ki ud ;  
 Ban sah pyrto ka khanatang,  
 Kumne dohnud jongka ka pdang.

"Ko mangkara, pansnglat jongnga,  
 Kynphad u ngam, per u sisa :  
 Balei mo kumne phi shet-thai ?  
 Aflu phin shem, nga ong yn nai ;  
 Pyrthei ba-ma, ba-tmang kynsha,  
 La mon phi pyndem, mo bakha ?

"Ah ! Sangot ha ummat phi pdem,  
 Haei shuh ia phi ba ngan shem ?  
 Dohnud ka thait, ka or ka pait ;  
 Hangno ngan lap u maw-shongthait  
 Lapongnai, ko sylem kut-shadem,  
 Haei ia nga kumne phi pdem ?

"Dohnud ka bthel, ummat ki shiei,  
 Ki pukri badum ; Ah ki thwei !  
 La shet khawiang, Ah rong thala !  
 Mano sha ia nga ban khala ?  
 Wah duid kin ran, lum kin madan,  
 Sha lyndet lyoh marwei ngan shan ?

"Ki lum pyngngad, lawbah ba jngum,  
 Jingim ia nga tang lyngngoh dum ;  
 Shano ngan her, nangno ngan shem,  
 Mano ban bteng jingileit batlem ?  
 Na phi ngan khlad, rynieng kan pad,  
 Sha lyndet lyoh, ia phi ngan wad !"

---

## KA KREM LAMET LATANG

## II

## U Kohkarang

U klew ha slung diengsong u sah,  
 Shit'lup pyrthel ka sngap kynjah ;  
 Ka wad i'u rang-kynih phawar,  
 Uba synshar ba im adkar.

Tare matlah ru-ru re-re,  
 Ki kluh ki thlun bu-bu be-be ;  
 U khun ki blei u shalong ngaiñ,  
 Da kumno pat un mir un sañ.

Kumba la rwai ka khana-tang,  
 Ha khmat durbar ki smai ki tang ;  
 Woh Kohkarang rang dap shynrang,  
 Un leit sha krem Lamet latang.

Hakhmat durbar u ieng bam-smai,  
 Haduh pyrthel kan loh jingshai :  
 'Khublei' u ong, bad joit u kiew,  
 Shaduh tyngkong Ni 'Lur-tynriew.

"Ko 'Ni ko pa kumne nga khreh,  
 Tyngkong Mei-ngi jutang nga teh :  
 Kitbok kltrwiang tyll ma phi,  
 Namar ka hok jinglm ngan pli."

"Rynieng ryniot, jingstad phi don,  
 Teng teng nusib ka dhon ka phow;  
 La jingtip briew to bat tyngkal,  
 Halor ka hok phi la bam smai."

"Hapdeng pela bad ka shyntur,  
 Lah eh ban hap, klol eh ban ur,  
 Bat jinglongrit, klar ka thurmur,  
 Ioh shah sin ei u riewbe-ur."

“Ka khmat samla ba shet shukor,  
 Na krung ka kyntieng majikor ;  
 Teng teng shabar u pud ka jam,  
 Shaba ummat kim kot ban iam.”

“Kita baroh nga la sngewthuh,  
 Nga la tynjuh nga la peit thuh :”  
 Ba la tyndep b’la rot ka rnglew,  
 Un long ’tiew eit bala bynthiew.

Da ka akor burom ka pdiang,  
 I’u rang khyrwoh palei pasieng ;  
 Kumba ju long ki ’thei-iapsaw,  
 Kha-thli tyrkhong u swait pamdaw ?

Ka soksular u shohtyndep,  
 U sel syntiat ki buit ba nep ;  
 Nangta u sdang ban raiñ samla,  
 Ka sngi kynsan ka bitar shla.

Da lyngknot thlong, tdam ka kawang ;  
 U Kohkarang haiñ saw kyrang,  
 Ka tim ka tia, ka beh sha-dew,  
 Jyrhoh sahjaw kit kum u ksew.

U Kohkarang u kheñ rangbah,  
 Ka myhraiñ khmat junom ka sah ;  
 Shiteng synia, khrung khrung khreng-khreng,  
 Shapoh ri khlaw u aloit ki reng.

Na khmat u briew u ngen u jah,  
 Ban paw pyrthel u sngew matlah ;  
 Ban sah pyramit ha pyrthel ;  
 B’u khun bynrlew un sngew-shyrkhei.

---

## KA KREM LAMET LATANG

### III

## U Ma Lymboit U Ma Lymbiang

Hapoh ka jrl, u sning u stap,  
Ban da ka saiñ, ka khlieng tyngap ;  
Hapoh tyrkhang ha snur ba-tingen  
U tieng ioh nguld u khla u thlen:

Ha khmat Durbar, u rangphawar,  
Kadiang kamon u khan u swar;  
"Mano dangjah, mano dang pep" ?  
Balei ki khmat ki jngem sep-sep."

Sha trai dieng bsiang, sha trai eltniang,  
Ki wad i'u ma lymboit lymbiang,  
Shapoh durbar ban paw pyrthel,  
Aiu synel un nguld un khlei ?

"Ngam don ki khor, ngam don ki khriam,  
Ban paw pyrthel nga sngew thynfiame  
Ma nga u khun lyngkhuid bapli,  
Ei ei ngam don ban khlei ha phi."

"Sha Krem Lamet Latang phin ielt,  
Ha ka burom phin riam phin belt ;  
Ka khor ka khriam, thula shyrtong,  
Katba phi kwah kumta kan long."

Da jingsangewrit u kohnguh khlieh,  
Sha dwar ka sngi ba un kynih,  
Ka juban kelar u ri kyndong,  
Kumba u smai na mynnyngkong.

Ki 'tien jali ki 'tien jaum,  
Ki krang lum bah, ka ellah jingdum ;  
U tem ki dew, u ioh burom,  
Kumne ka sha ha ka param.

Kynshreng u mih na khmat ka sngi,  
 Tiap poi pyrthei u thap ki kti;  
 Laj-sien lai-wat u ieng kynih,  
 Shuwa ba ka sngi kan sa mih.

U Ma Lymbolt 'Ylar krad lynti,  
 Ka jutang khuid u ai ha phi,  
 Ban ieng U Blei, ban dem u briew,  
 Ko khun ka ri kyndit bynriew.

Nangne ka sdang ka jutang khuid,  
 U briew u mrad ban im laitiuid ;  
 Syntiew ki skud ki kmen ki phuh,  
 Ki thwei ba ngum ki rkhle pahuh.

U Ma Lymbolt u bah khala,  
 U ieng rangbah ha duwan sla ;  
 Ban krad lynti ha dwar u blei,  
 Ban suk shi tyllup ka pyrthei.

Nangne ka niam ka ieng rangel,  
 Shuwa ban mih u ksuid u khrei ;  
 Nangne ka sdang, ka seng thymmei,  
 Ka juban ksar ha snleh pyrthei.

Sa shislen pat u briew u khlei,  
 Ka soskular bym lah thynrei !  
 Horkit un nym kren da kumwei,  
 Nalor jutang ba u la khlei.

U Sai jutang kumne u teh,  
 U kba u staid e khud u peh ;  
 Sa shislen pat ka bneng ka phngalā,  
 Ka her lamwir ka dem iongngalā.

Na thymmei dohnud bym lah thew,  
 U dem arti ha tbien khyndew ;  
 'To syrpal lin ka at ka them,  
 Ha Me Kynrad ngi nguh ngi dem.'



Sa shhsien pat ki win ki khlaw,  
 Ka khih im pat ka shnong ka thaw;  
 Ha lyngwiar dpei, halor jyrdom,  
 Ka riti khuid kan neh junom.

Manba dohnud jong u ka mong,  
 Haba ki dew ki shop khongpong;  
 U Ma Lymboit u ieng ban said,  
 U tah u spañ dohnud b'la pait.

Kumne ka im ka soksulor,  
 Hapdeng u pait Khasi ba'ar;  
 Nangne ka seng-thymmei ka niam,  
 Pateng pakit ia ka ki piam.

---

## Ki Bniat Masi

Wat la dohnud ka kmie ka pait,  
 Ki khun—ka wad khlem kut khlem thait  
 Ynda ha lanot khop ki hap,  
 Kloï lan thapniang jingieit ka tap.

U Trai nongthaw u i sangsot,  
 B'u briew u ngam ha ka apot;  
 Na khriang ki dew ahor u sot,  
 U kner ka kti jingieit ban kot.

Ka jingiam briew ba pynpangnud,  
 Narud ka krong mian mian u bud,  
 Hangno u pud ka jingsngewsih;  
 Na thlong ki ummat kthang ki mih.

Ka lalt ka let ka pap ka ner,  
 B'u khup bynrlew u piam u kner;  
 Da jingsngewsih u phai sh'u Biet,  
 Ha duwan u iam-Kurilei.

U Blei u phah da u Masi,  
 Ban rah khyrwoh h'u khun Khasi,  
 Shi shir u khaw un dap shi khlew,  
 Un im shongprah, un rol bynriew.

Sa shisien pat u briew un rwai,  
 Kan tap kan spaifi ka dohnud swai;  
 Sa shisien pat un shai u bnai,  
 Ka sngi bathiang kan ai jingshai.

Ka khubor syiem Masi u rah,  
 Harud lyngkha u hap ban sah;  
 Tyngab built-di ka pah ab-ab,  
 Nalor ka met ka puh ki dkhap.

"Shano phin leit, ko rang phawar?  
 Nalor ka met ki dkhap ngan sar."  
 "Sh'u khun bynriew ban rah khubor,  
 N'U Trai Kynrad Uba donbor."

"Kumne ngan ong h'u khun bynriew,  
 Shi-shir u khaw phin shet phin tiaw;  
 Bad im shongprah shongshang sadhai,  
 Ka pang ka jhia baroh la wai."

Nangta ka tyngab atlukhi,  
 la u ka bynriew kren pharshi;  
 "Ki dkhap kin dait, men at bylliang,  
 Ryngdang, u ksal un oh sohkhiliang."

"Lada la nga me pynshah shkor,  
 Hapoh tapmoh men nym-takor;  
 Jingdait jingbuilt ngan pyn-byllut,  
 Ki dkhap baroh ngan ediah pynlut."

U 'Si-langraw u kohnguh khlieh,  
 Ka Ab takrai ka shad mastieh;  
 Na khlieh ha krung ka puh ki dkhap,  
 Ani shnglam-rai! ki khmat u khap.

Kawel ka dkhap, jabieng ka shad,  
 Sha ki japha, ka reng ka ngab ;  
 Harud mawsiang ban shong thapngap ;  
 Lada u khun bynrlew um iap.

Hapdeng jingsbngiam ba shoh kynol ;  
 Pynshad sawdong ki dken ki bloi,  
 "Ia nga, aiu phi don ban ong,  
 Kumba phi kwah kumta kan long."

Ynda h'u sai jadu u ngat,  
 U khaw-tyndep ha u ka shat ,  
 "To iap mynta, to iap la shai,  
 To bam hati, to kit kulat."

Kumta h'u khun bynrlew u khlei,  
 Ka kdiah ka jutang khuld n'U Blei ,  
 Ha kordit sat u briew u hap,  
 Namar u sbai u dei ka dkhap.

Ka duk ka iap i'u briew ka ban,  
 Wat la u kan u suh tyngkan ,  
 U Trai kynrad u bitar shla,  
 Ki bniat masi u lop pynshra.

Ha khmat durbar tyngab U Khot,  
 Ha apot sngi ka kluh thot thot ;  
 U tap hapoh u khlew ranei,  
 Ka thok i'U Blei, ka long kum tei.

Kumne ka rwai ka khanatang,  
 Ha dohnud briew ka siat phalang :  
 Nadeh nangta u iam u kyang,  
 Lynter u dung u 'nam-sarang.

Man jingiam briew ba pynpangnud,  
 Ki pyndap mir thwei bymjukut :  
 Tyngab tyrut ka rkhe phut-mat,  
 Kam kwah thwei ummat kthang kin rngad.

Ma phi rang dap tyrpeng ka ri,  
 Wat klet phar-shi ki bniat masi  
 La dait ka dkhap mammon 'lei sbai  
 Burom ka ri da bat tyngkai.

---

## Hapoh ki Trep ki Skum

Mynba ym pat sárang u nar,  
 Mynba dang suk synshar khadar ;  
 Mynba ka bneng ka dang phyrnai,  
 Hapoh ki trep ki thiah lyngngai.

Halor ka sotti hok ki seng,  
 Tang ia U Ta ki jer kyrteng :  
 Laisien lai-wat ki nguh ki dem,  
 Jingsuk ba kyntang tam ki shem.

Hangno ki ryngkew ki basa ?  
 U Blei ia ki U ri u da ;  
 U Phan Kyrpad, lyngkhuh pakhuh,  
 Kim man patiw ne kwah sngewthuh.

Hapoh tyngkup tyndaika niam,  
 Ki seng riti ba phit ka rian :  
 Ki tang ka sang ki tang ka ma,  
 Ioh pom pyrthat, ioh dait u khla.

Kumno ban im ka kur ka jait,  
 Kumno sharum shaneng ban iaid ;  
 U khan phikir, u iaid huslar,  
 U kamai hok khawja khaw-shir.

Pyrthei ka long ka 'Per-syntiew,  
 Haka u iaid pyngngad u briew ;  
 Iathuh ia nga ko jingphohsniew,  
 Balei u khiih awri u briew.

Shynrang ki jer h'u khnam ryntieh,  
 B'un kieng ka wait, un bat ka stieh ;  
 Kynthei ki tang ka khoh u star,  
 Ban ri' ka kur,-ban roi ban par.

Kumne ka ih tang shiphang sngi,  
 Balei ka ngen ka asorphi ?  
 Sha kper kiwei u klang ruma,  
 Un iaid pukir ha khlaw kynsha.

U bat u piam syngkai Bamon,  
 Ka rwiang ka rngiew sha sniew kaphon:  
 Namar kiwei ki shem jingbha.  
 Ruma rutit sha krem u Khla ?

Suki ki sdang kaweh pakha.  
 Ka sngi ka sdang ban khluit tyrha ;  
 Irat n'U Blei u kiar u jngai.  
 Ha krem ka dngiem u thiah lyngngai.

Ka jngai N'u Blei ka pdem lynga,  
 Ha khuiñ badum u ksaid pisa ;  
 U piam kulmar i'u ksuid u khrei,  
 U shang makia sha ri nongwei.

La khyndai wat u kvlla stong.  
 La la pang u shieng ingdong ;  
 La ka tmoh ka bit dew saw,  
 Ka kheñ ka shat kam man patiw.

Ka kem ka lar ka kie be rong.  
 Shi shang ki lang tang ki shynrong :  
 Wat la la sum la slen shynrai,  
 Dap tang ka miet khlem phreñ jingshai.

Nyngkong ki kñia d'u 'Yiar ryngkuh,  
 B'un krad lynti duwan-ai-ngun ;  
 Balei ki kñia d'u lang sawothuh,  
 I'a kane keñ ngam kot sngewthuh.

Shiphang u sniang, shiphang u blang,  
 Ka Paro lieh khmat ki jingpang ;  
 Nang jur ka kñia - nang jngai n'u Blei,  
 Nang bun u dkhot - nangshoh thynrei

Ki wad ki tba ia U kylleng,  
 Na lum Shyllong, sha lum Rapleng ;  
 Namar ka ban ka pang ka ñiun,  
 Ka jingshisha ka ieng nongshun !

U Ksuid u Khrei ha-nga-ha-nga,  
 Katba u pan ki ai jingkñia :  
 Ki laiphew jait ki ksuid kynsha,  
 Khatduh ka pol ka siar kylla

Nang jngai n'U Blei nang sah khunrei.  
 U jah lynti ha snieh pyrthei ;  
 Wat la ki khlur ka bneng ki shai.  
 Wei briew u ngam ha thwei ka rngai,

Namar ka pap ka la jyllei,  
 U Ksuid u Khrei u nang kynrei ,  
 Ka hok nylla ka phet lehraiñ,  
 Hangno hangno ym don ba paiñ.

Ki mih ki khun-kbelt shapuloit,  
 Khun tham-jynreiñ ki dkhaw ki boit ;  
 Katba nangjur ka jingduwai.  
 Ka maiñ u brlew ka nang iap stai !

Sa katno snem ngin iald matlah,  
 Hangno da lei lei ngin nym sah :  
 Sa shisien pat ngin phai dien trai,  
 Shapoh ki kpait barim hyndai.

---

## **Ri Laiphew-syiem**

Kumba kjat sngi ka shat ka phriang,  
Kumta ka roi ka rep ka riang :  
Na krung ki sker u Sohpetbneng,  
U Hynñiew-trep u phriang kylleng.

Ka jait ka kur, ka niam ki seng ;  
Rukom ki kam ki trei ki beng,  
Ki khawai rong Mei-kha pa kha,  
Ki seng ki kor tei mawbyinna.

Ha snur iing-kur ki lang ki sop,  
Ka dur ka wan lang shi-synrop :  
Ban im ka kur ka jait ka snam,  
Kin rah ka stieh kin wiat u khnam.

Suki ki mih ki Laiphew syiem,  
Lapher u dkhof, ryngkat ki im .  
Ki don ka saññ, u pud u sam,  
Ki sang sha pud kiwei ban jam.

Tymmen u san, u syiem u kmie,  
Ryngkat myntri ki salñ riti ;  
Ban suk ban saññ, ban roi ban pa,  
Ka jutang hok kam kdiah thala.

Hangno ju don kum ri jongnga,  
Halor ka niam ki seng hima ;  
Hangno ka ri ba bat riti,  
Nalor ka jong u khun khasi.

Suki u lang Khasi Khara,  
Ka ri ki phiah tukra tukra :  
Lyngdoh lyngskor, syiem wah'dadar.  
Kumne ka ih riti synshar.

Ri laiphew-syiem khadar doloï,  
Khyriam u War u Pnar u Bhoi ;  
La pher riti, ka kup ka riam,  
Ki mur ki plam ka juh ka niam.

Ha durbar blei ki bishar-blei,  
 Ka hok ki thwat naduh thymmei.  
 Kunta ki sin ka 'Ngam U Lah,'  
 Rai-blei mut-blei kin ju kyrngah.

Ne bishar blei da 'Khalai wait,'  
 Ka kur ka jait ka pap ban sait;  
 Ryngkat ka khor-ka ksing nakra,  
 Ki khrai ka khlieh arliang mamla.

Ka khanatang Lyngrah-Mawdkhap,  
 Bym lah ban rai mano ba pap;  
 Ka bishar-blei da Khla-ka-wait,  
 Ki rai da arliang syrti slait.

Ki thma batriem ki bthei ki meh.  
 Ki laiphe-w-syiem ki im ki neh,  
 Ka jop ka rem ha madan-thma,  
 Ka bai kliarwait ki siew kuna.

Kynthai khynnah sang ban leh bein.  
 Ki rah ka khlieh ban shat ban khein;  
 Kiwei ki phawar da jingkmien,  
 Kiwei kim lap syrngiew jingtnen.

Ki thang-slarkait, thang lyngkhason,  
 Ki thep-mawbah mawshieng kyrhon;  
 Ka phur ka siang, ka reng ka ngab;  
 Ki 'nam-tympem ban ker snaiap.

Hapoh iing.kur ki shyleng ki lang.  
 Shuwa mawbah yn suit kyntang:  
 Ki sum Umkol, ki tang pungrei,  
 Ki beh ki thwet i'u ksuld u khrei.

Ka juh ka nlam ka juh ka sur,  
 Ka suh parpaiñ ka mur wan dur:  
 Hapdeng u khun Khasi Khara,  
 Naduh hyndal haduh mynta.



La pher ka riam, la pher u dkhot,  
 Ki kner ki kti shata ban kot ;  
 Ki saiñ hima, ki seng riti,  
 Ban suk ma ngi, ko khun ka ri.

La pher ka tang, ki aiñ kanun ;  
 Ki sot-koiphot wat n'u nongshun ;  
 Hapdeng ka thma ka saw ka sian,  
 Thombor ijot, kim ju pyntian.

U Khun Khasi shi snieh pyrthei,  
 Ka kut baskhem dei tang U Blei :  
 Wat la kiwei ki ngop sha sniew,  
 Ma ki ki laid akor tipbriew.

Kumta ka ih ka kur ka jait,  
 Kumne u lang byllien u pait :  
 Namar ka ri ka kur ka jait ;  
 Ki lang sawdong ki khla-kawait.

---

## Ka Panjira

Kumne ha phi nga shat waidong,  
 Naduh ba ih ki sngi nyingkong ;  
 Naduh ba dang khyllied ka bneng,  
 Ka niam rukom hangne ki seng.

Ko Khun pyrsa, nongsor kyndong,  
 Wat shah jingstad, kan nguid lyngkdong  
 Ka hok U Thawlang ka Iawbei,  
 Ngin piam ngin kdup ha snieh pyrthei.

Naduh Rondi haduh Kupli—  
 Shaduh ki phud Rupa tylli  
 Naduh kynthong u Lum Meikha,  
 Kane ka dei ka ri jongnga.

Ka snam u longshuwa ka ud,  
 Ha them ummat ka bymjukut,  
 Ba ri kan sah ha jing-long-mraw,  
 Kham lah ba klet na jingkynmaw.

Ko 'er iwbihi na kpep ka rngai,  
 To sei ki rong khoi mawlynnai,  
 Namar ka Ri jingim ngin pli,  
 Ko Rang kynih wat shong kli kti.

Ka jutang khuid la pharia lut,  
 Ka rwai leit ri ka set kyllut ;  
 Ynda halor shukl phi shong,  
 Ia la jutang phi kdiah khongpong !

Ki um ksiar um rupa ki jngut,  
 Ki hok riti ngi ia id jynthut,  
 U Mynder Ri u phon bajl,  
 Kumne nga rwai ko khun ka ri.

Shuwa ban sep ka sngi u bnai,  
 Sha la iing traw nga phai dien trai,  
 Nga i ha jingsamthiah lyngngai,  
 Ha snur sharyngkuid wai-shi-wai.

Maphi ki rang ki thei samla,  
 Ha phi ka im ka jingshisha,  
 Katba dang ieng u Lum Raitong,  
 Ngin phal dien trai sha la kyrpong.

Napoh ki kpep, ki khuii ki thlong,  
 Ka um ba im ngin dii ngin tong,  
 Ki kor b'la pra. ki mawbynna,  
 Ngin khieh sorki, ngin tel pynbha.

Ka riat Mawiew, ka Kshald Khapnar,  
 Sawdong ka ri ki suh ki par,  
 Ko Lum Shyllong, Kytlang, Symper,  
 Hyndai ia ngi ki da ki ker.

Ko khun ka Ri to ieng Rangbah,  
 Lama jingiatylli fo rah,  
 Hyndai ki Lum ki wah ki da,  
 Mano ban ker ia ngi mynta ?

Tylli ngin ieng, saphret ngin hap,  
 U suri kliaw u ap na khap :  
 Ki masi kpa ki tan tyllai,  
 Ka jaw ummat ka Jitlakhal.

Ha phi ki khun sotnot I Mei,  
 Lyngba ki thwei ummat nga khlei,  
 Nga i ka riat sham sham ba ngiew,  
 Da kumno ngin kyndit bynriew.

Nangtei na kliar U Lum Shyllong,  
 Nga her sha lum Symper b'la mong,  
 Narud ki phud ka um Syrpi,  
 Nga hiar sha khriang Rupa tylli.

Ko lum Raitong, Bahbobakong.  
 Ko Ri ki khlaw, ki sieij khongpong ;  
 Nga ieit ia phi na 'myn nyngkong,  
 Nga kwah pansngiat ksiar ba phin phong.

Narud ka Wah Sunapani,  
 Nga her ia id wir kylleng ka Ri ;  
 Ki sboh ki sbur, ki bhor lati.  
 Ha shyngkhap maw ki sdien phasi !

Hangne nga shong pyrkhat shipor,  
 Nga jam ki surok fong ka sor ;  
 Na jngai u ieng U Lum Diengiei,  
 Ha ranab lum Umiam ka shlei.

Artad lynti ka iam pangpud,  
 Namar ki umsohsun ki jngut,  
 Mian mian nga klew sha Khyndai lad,  
 Hangne ki jnang ki riew pyrkhat !

Jableng ka rben, thylliei u thlun,  
 Hynroh ka ap ka sngi ban klun ;  
 Lada ngim kloi kyndit bynriew,  
 Shi jam ngai lyngai ngin ngop sha sniew.

Nangta nga klew n' u Lum Shyllong,  
 Na rngai u krei u lyoh bai'ong ;  
 Paki dulan ka Sor Shyllong,  
 Balei dohnud jongnga ka mong !

Katne ki Um ka ri jngut,  
 'Niangkwang miet step ki bniat u shut,  
 Un mih madan ha por babi'ang—  
 Lada jingiatylli ngim sliang.

Kynrei ielit ri, ko Simtyngwieng,  
 Ha khrum ki buit shukor me phnieng ?  
 Ka doh ym bit, umshit te bit,  
 Ban pynthame me kren shongshit !

Ielit Ri, ka del ka kut khatduh,  
 I'u riewbeiman ba kwah lahduh ;  
 Ynda ha palong Kslar me shong,  
 Ia Ri me die khyndal khongpong !

Sa shisien pat sha phi nga phai,  
 Kyndit bynriew wat thiah lyngngai ,  
 To piam ka hok ha snieh pyrthei,  
 Ki riew kysai ha phi Un sel.

Sa shisien pat ka lyer kan sieng,  
 Sha jngai kan her ka syler ka tieng ;  
 Katba dang ieng u Lum Shyllong,  
 Pansngiat ka jinglailuid ngin phong.

Hangta kan kyoh ka Dultara,  
 Yn khi lainuid lamler thawsha ;  
 Ynda la sloit ka Onglem u Khla,  
 U Sim Rynfiaw un shad sngewbha.

Kumne nga rwal ko ri jongnga,  
 Ko Ri umsnam u Ni u Kpa ;  
 Ki Khlur jong pha kin lai phyrnal,  
 Wat la ngan ngam sha ri ba jngai.

## **Namar ka Ri !**

Ki her ki Taxi benami,  
Ki iing paki kylleng ka Ri ;  
Dei kumne kein, ko khun ka Ri,  
Ka ngop jyllop ka ri jong ngi !

Ba rwai sawiang u 'kaiñ pyrjong,  
Ka Ri Khasi ka shong kynrong ;  
Ki iing ki sem ki raij jem rngiew,  
Ka troiñ arsut ka jaitbynriew,

Sha lum ki kiew ki Tyngab Ilong,  
Sha them ki hiar ki thei tnadrong !  
Haman ki lad, ki shnong ki thaw,  
Haduh rympei hi dngong u paw !

Harum haneng ngi wad ka daw,  
Shano ka sboh u paw u maw ?  
Khlem kheñ ka sang ki kjit ka snam,  
Ki Para ri ki ud ki iam ?

Mynwei u nguh arti arjat,  
Mynta u rah u dieng-sympat !  
Ko rangkynih da khan jylliew,  
Shano kan poi ka jaitbynriew ?

Haba u rung hapoh khiewja,  
Longkñi longkpa ka sliah ka pra ;  
Ka da rapjot burom l'i kur,  
Ka pynshong snor i'u Pukni bhur.

U thning u pyiar ha Sor-Shyllong,  
Ka khlieh u bsuh sha nongkyndong ;  
Ka spah hajar u ksam u kjit,  
Ka kur ka jait u kbong u shyit.

Kumba ka miaw ka thap i'u bseiñ,  
Ka sboh jadu ka paw tyngkreiñ ;  
Ki khun pyrsa ki raiñ iapmat,  
Ha khlieh u hap u dieng sympat !

Ka Ut suki ka phrung ka khlieh,  
U trai iing jaiñ sha lait u mih ;  
U bseiñ ba khriat harud ka dpei,  
Suki u phlan pynjot pyrthei.

Ko phi 'rang dap tyrpeng ka ri,  
 Balei ki hap ki bniat masi ?  
 Ba dait ka dkhap u 'lei thrang-sbai ;  
 Burom ka ri to bat tyngkai.

Shipor ngi kmen ba heh baiwai,  
 Kumne ka ri ka sdot ringswal ;  
 I Um Tyngab ba heh kamai—  
 Balei mynta phi lam pustai ?

Ma phi ko 'thei bhabriew ka ri,  
 Shael kumne phi wiat pharshi ?  
 Ka hok kyntang phi bat ha kti,  
 Ka kur ka jait phin ri ma phi !

Lada lymmuh phi krih ruma,  
 Ka jaitbynrlew kan laid sakma ;  
 Ai akor briew jinglong nylla—  
 Kan sdien ha pneh u Longshuwa.

Phi shoh jingleit i'u 'Tiewmungor ?  
 U don ki shlah ban sam ki shkor ;  
 Rymmiang shyntur jali jaum,  
 Dohnud,—u thlen ha krem badum.

Katne ka byrsieh bam pohrang,  
 Ka jait ka kur ka twa lyngkrang ;  
 U kñi u kpa u shi jem rngiew,  
 Arsut ka hlar ka jait bynrlew !

Ngi sdien ha tmler ka riat sham sham,  
 Dohnud ka khih, ka pluh ka thnam ;  
 Nangne—shano ngin thung baji,  
 Nga buh ha phi ka jingkylll.

Ma phi ki 'rang, ki 'thei samla,  
 Phi kit lyngkor kyntang nylla :  
 Ban im ka ri, ka jaitbynrlew,  
 To ieng rangbah, kyndit bynrlew.

Ioh ba umsaw ka wan tyllep,  
 Lense mynta ka dei ka khep ;  
 Namar jingbang ba tang shipor,  
 Ka jaitbynrlew ka shah-sam shkor !

---



*“Ma phi rang dap tyrpeng ka ri,  
Wat klet pharshi ki bniat musi ;  
La dait ki dkhap mammon 'lei spah,  
Burom ka Ri to hat tyngkai.*